

明文奇賞卷之三十九

史官陳仁錫明卿甫評選


序

孫鵬初遂初堂集序

湯顯祖

以貌窺神
精辨氣色

漢儒疏五事、以水爲貌、而屬火於言、誠不能無槩乎、是
今夫木之生、其所以長潤森好、恢瑰曲折者、大氏水之
爲也、極焉而措之爲薪火、以傳火者、木之神明也、而言
者、人之神明、言而有以傳、傳以久、則神明之所際也、雖
然、顧可以忽貌乎哉、人之貌也、明暗剛柔、成然而具、文
亦宜然、位局有所、不可以反置、脉理有隧、不可以臆屈、



藉其神明有至不至其於貌也無不可望而知焉。國
初大儒彞鼎之文無所敢論。迨夫李獻吉何仲默二公
軒然世所謂傳者也。大致李氣剛而色不能無晦。何色
明而氣不能無柔。神明之際未有能兼者。要其于文也
瑰如曲如。亦可謂有其貌矣。世宜有傳者焉。聞者文士
好以神明自德。忽其貌而不修。馳趣險仄。驅使稗雜。以
是爲可傳。視其中所謂及置而臆屬者。尚多有之。亂而
靡幅盡而寡蘊。則之以李何。其於所謂傳者何如也。然
而世有悅之者焉。華容孫公鵬初憂之。歎曰。李何於斯
文。爲有起衰振溺功。王元美七子。已開弱宋之路。日已

流遁。長此安極。且吾先公四世文林。劑量二公。爲法已
久。不可以失。而公又早負才志。入讀祕籍。出視省奏。淹
於今昔之故。隱而益文。嘗欲總史傳聚往畧。起唐虞以
來。至勝國。效遷史體。爲紀傳之書。而因以櫟括十三經
疏義。訂覈收采。號曰儒藏。嗟夫公。蓋通博偉麗之儒矣。
至其爲文。封奏志序。記牘歌詠。引繩步尺。取衷厥體。勃
溢者。勢而延。豫者。情。叩切者。聲。而流蒞者。致。賅此五者。
故幅裕而蘊深。公之所以爲文也。蓋江漢洞庭。爲水淵。
鉅。足以滋演文貌。而鶉首祝融。爲火雄。精足以顯發神
明。然則公之文。爲必傳。傳而必久。李何七子之間。有以

處公矣

王季重小題文字序

邑鮮語濯

時文字能于筆墨之外言所欲言者三人而已歸太僕之長句諸君燮之緒音胡天一之奇想各有其病天下

莫敢望焉以今觀王季重文字殆其四之而季重以能爲古文詞詩詞故多風人之致光色猶若可異焉大致天之生才雖不能衆亦不獨絕至爲文詞有成有不成者三兒時多慧裁識書名父師迷之以傳注括帖不得見古人縱橫浩渺之書一食其塵不復可鮮一也乃幸爲諸生困未敏達蹭蹬出沒于校試之場久之氣色漸

何暇議尺幅之外哉。二也。人雖有才。亦視其所生。生
于隱屏。山川人物。居室遊御。鴻顯高壯。幽奇怪俠之事。
未有睹焉。神明無所練濯。匈腹無所厭餘。耳目既吝。手
足必蹇。三也。凡此三者。皆能使人才力不已焉。才力頓
盡。而可爲悲傷者。遑遑如是也。若李重者。五歲遍受五
經。十歲恣爲文章。二十而成進士。蓋一代之才也。而天
亦若有以異之者。大越之墟。古今冠帶之國也。固已受
靈氣于斯。而世籍都下。往來燕越間。起禹穴。吳山。江海
淮沂。東上岱宗。西迤太行。歸乎神都。所遊目。天下之股
脊喉顙處也。英雄之所躔。美好之所鋪。咸在矣。於以器

心神紆眺聽者。必將鬱結乎文章。而又少無專門承學之間。靈心洞脫。孤遊皓杳。蚤爲貴公鉅人所賞。聞所未聞。出見少年裘馬弓劍旗亭陌道之間。顧而樂之。此亦文心之所貽佇也。身復蚤達。曾無諸生一日之憂。名字所至。贊歎盈囑。故其爲文字也。高廣其心神亮。瀏其音節精華。甚充顏色。甚悅。渺焉者如嶺雲之媚天霄。絢焉者如江霞之蕩林樾。乍翕乍辟。如崩如興。不可迫視。莫或殫形。大有傳疏之所曾遺。著錄之所未經者矣。嗟夫。以一代之才。而絕三者之累。若此。不亦宜乎。其爲古文詞詩歌。又何如也。雖然。才士而宦業流通。亦無以周世。

物之容。而旣以當塗令高第爲郎矣。復抑而命青浦。青浦故屠長卿所治縣也。長卿旣以此出。大越名天下。而季重書來。乃更以歸休讀書爲懷。夫季重固已讀書矣。凡爲若談者。當亦有木盡其才之歎邪。然則天之于季重。誠若有以異之。無已也夫。

合奇序

世間惟拘儒老生不可與言文耳。多未聞目多未見。而出其鄙委牽拘之識。相天下文章。寧復有文章乎。予謂文章之妙。不在步趨形似之間。自然靈氣恍惚而來。不思而至。怪怪奇奇。莫可名狀。非物尋常得以合之。蘇子

瞻畫枯株竹石絕異古今畫格乃愈奇妙若以畫格程之幾不入格米家山水人物不多用意畧施數筆形象宛然正使有意爲之亦復不佳故夫筆墨小技可以入神而證聖自非通人誰與解此吾鄉丘毛伯選海內合奇文止百餘篇奇無所不合或片紙短幅寸人豆馬或長河巨浪洶洶崩屋或流水孤村寒鴉古木或嵐烟中樹蒼狗白衣或彛鼎商周丘索墳典凡天地間奇偉靈異高朗古宕之氣猶及見於斯編神矣化矣夫使筆墨不靈聖賢減色皆浮沉習氣爲之魔士有志於千秋寧爲狂狷毋爲鄉愿試取毛伯是編讀之

吳越史纂序

湯顯祖

赤城劉生集春秋吳越事爲書甚具而數以意相繩引甚嚴書似可以傳無廢獨有感於吳越之際兵之所繇吳越江湖間其民氣急去就頗輕泰伯虞仲被髮采藥蠻荆荆人悅之因以爲君厥後楚漢時吳芮保聚江湖間人亦因而君之雖其俗易教便亦其民性不重去就也故曰吳數有反氣起淮南至百粵修短不一姓然大勢可睹矣皆速大而疾亡絕無關河延博重靜之意傳曰兵妖由人興泰伯兄第三讓至惠其後闔閭等兄弟叔姪以國爭相殺無已時如此則謀臣子胥必入子胥

入必霸而有越。有越則西子必入。西子入必挾子胥之目而食吳王之心。越必有吳。司馬氏有入王而氏羌入氣常然也。地勢吳爲喉。越爲尾。爲國則必相圖。此亦延陵季子王子搜所以不願爲君耳。范大夫似有道術存吳而去。亦未爲不存越也。因生有奇漫而及此。知我者其云然邪。

岳王祠志序

越有忠佑祠者在臬司焉。祀宋武穆王岳飛也。司故王宅。王亡以爲太學。元以爲司。而祠王其東。祠宋孝宗之爲也。祠志爲冊六。凡王所自爲文。與其時。至于今。所以

議論極奇
轉折多出
意表

榮哀王者盡是梓而存之。司庶拜王祠下者。貌而旣其實云。王之勇于忠孝。其天性然。斯志也。其以資世之感。愴流涕指髮。豈有間然者哉。予獨怪王以大將之才。爲戰將之用。而用益以不終。當時無將將者。然則若肅代之將李郭。可與曰韓。斬王可以並郭。而王賢于李。高宗之資。不能爲肅。若代亦其勢然。斬王逸。而鄂王拘。非鄂王勇。而斬王智也。鄂拘。斬乃逸。斬逸。而鄂之拘不免矣。肅代雖疑其臣。不得而誅之。外多大藩帥。或以爲名。如李司徒。召之不來矣。終不能有加焉。王之不肯爲李。亦勢然也。或曰。王何不竟滅虜而朝。附於人臣出境遂事。

之義此不然也。觀金起時其君臣父子叔姪將相之間皆意念深毅經畧雄遠非可猝猝乘弊而竟者。且其時諸將並以詔還王以偏師濟乎。夫王以歸而死得爲世所哀憐。佻而逞王之爲王未可知也。王所謂進退維谷者與。嗟夫有高宗以其宅爲官故有孝宗附其官爲廟亦無不可知。王爲人不可知神而後知之也。雖然孝宗時而王在猶之不能用王。蓋孝之不能爲代亦猶高之不能爲肅。何也。徽高在高與孝雖有志勢皆有所不得行。若使徽得幸蜀高孝爲親父子高擢國而孝撫軍滔然無疑。畫河南北之地以與諸將所克王收其全以俟。此亦高孝之

所欲爲也、勢不能也、嗟乎、古今相平、豈惟高之於王而
已哉、予志而悲之、聊以告後之將將者、

奉別趙汝師先生序

知命二字
甚大任天
下事莫大
于此

宗伯吳趙公以徵且行、一時卿大夫正人在南者、皆喜
有言于予者、曰、趙公世所謂大人也、必爲政、予曰、子何
以知趙公大人也、曰、江陵相知公者也、今兩相其里之
密焉者也、皆以正言、有逢其怒、莫有逢其視、守道于今
能、逆、世、而、立、者、必、大、人、嗟夫、亦未旣于趙公、所以爲大
人者矣、公嘗謂予曰、吾見所謂人矣、其名也、偶以出一
言、正見一節、奇已而起、則泯泯然而爲官、凡若此者、皆

細人也。予所不爲爲其官、不忍不爲其事、爲其事、不忍不爲其人。言之莫有聽焉。以吾行可也。是故自公起至于今、凡_其數徙、未嘗_其言其官、或言天下利害不少、猷其無細人之心也。已而吾水鄒君三出南、趙公北、公又謂予曰、鄒君名則益高矣、而國重傷吾之北、必且又然矣。益高吾名、而重累國、非吾意也。吾意不欲行、予俛然歎曰、公言及此、大人之心、君臣之義也。雖然、公其行矣。大人之行于天下也、時三代之法、諸侯士大夫世其國家、餘子得習其政、士無境外之志。至春秋時有之、所之不如而可以去、故有異邦、有父母之邦、參相仕也。今一

父母之邦而已。未有少不如意而得去之者。非其勢亦
非其情。古惟如彼。其地分。其所生人有賢者。則相爲重。
至于天下一則大矣。視士若廣矣。其勢不得不輕。古惟
如彼。其士皆世家相親。有賢有相。爲下而相爲待也。今
則天下之人矣。有政而此不爲。則彼爲之矣。夫大人者。
其心常有以自寬。誠不拘拘焉。以政爲。然非政莫爲也。
後之時亦未遠于今之時也。何以言之。古惟如彼。其封
內有士。易以見。法有讓而士益以見矣。後雖有大人急。
不得而知於其君。其知也必且以相非其相。則其君之
侍人也。夫以侍人而知大人。宜不忍爲。然則以相其可。

也。今可以相而知之時也。若猶不得存其身。且可因而存其言。言而從。即其身爲之。不從。雖不忘爲天下之心。而我無逆也。嗟夫。孔子亦大人矣。於季桓子而可時也。其行於魯之事。亦無所信。然則孔子固未有行于魯也。曰。道之不行。已知之矣。其不已何也。曰。吾五十而知天命矣。則可以耳順而從心。前此亦未知天命也。有不然之音。則逆其耳。有不可之形。則立其心。以此爲不惑。蓋人道也。旣知天命。則天下之故。皆有以然矣。曾何足以逆吾耳。而立吾心。即未有所行其道。固已行矣。如此則爲其官而名不益。行其身而國不傷。天之道也。非大人

以寬急辨
人才工伯
亦快論

不足以致也。嗟夫。以趙公之爲大人。而予又遊之久。最知然所以望之。知命而已。天下事可盡言哉。

滕侯趙仲一實政錄序

佐王之才常寬。而取伯之才常急。非有相反。其時與地固然。寬之無宐以絀。猶急之無宜以縵也。蓋管桀紂之法胥亡。而毫鎬之法常在。伊萊旦奭之輔固得以從容。而鋪惠義。敷翔而登太平。及其時天下已定。法制已信。風俗已成。如是而誅之。如是而賞之。俯仰之間。益可以休然而無事矣。幽平之後。先王雅頌之制。衰廢無存。諸侯相攻并。敵者先亡。勢不得不急法而治。時則伯才興。

焉。齊管仲、楚吳起、秦衛鞅三人者，其著也。大致亦周官正地比，受官成畫一于經畧會計之意，而急持之歸于富強其國。曰：誅殺不必，則令不信；不信，則不行。如是，則國弱；令不行，雖有地力，不可得而盡也。如是者，國貧。貧則事雖小，不可舉；事雖小，不可舉，則是與亡國同。也是故，亂人者急持其國，而用以富強，如晉文公之伯，晉子產之存鄭，皆是也。後世諸葛武侯以用蜀，而王景畧以用秦，至王荆國以用宋，而效異者何也？勢不行也。伯者審勢急，可以趣其國，不可以卒治天下。國狹，吾之所得急爲天下大，非吾之所得急爲也。如以王公自治其縣。

青苗固效專之方。岳則均輸方田無不可者。專之邊郡則保甲保馬無不可者。何也。勢所得爲也。是故舉天下而急爲之。安石不能用。宋取一國而急爲之。趙仲一可。以用滕。今且語天下以滕公之政。吾嘗以於越長上計。過滕時。公上事一歲耳。大祲之後。人大相食。公爲乞漕粟大府錢。施其民。問公庾庫中無如也。徐起與我北去。更三年而再計。止滕待公。不能得見。後堂主籍者約視其牘。積金乃至羨贏三千。穀踰六萬。予啞然而駭曰。是何興之暴也。主者曰。公所費。修治公私。畧埃禮際惠振。收恤士民。爲民贖子婦。所亡失。立爰舍牛種。以業流集。

者復不在是。予益異之。移以富一國。又何國而不遂以富乎。退而謂滕人。公何以至此。對曰。凡田賦影避盛則有所逋。而後期。公奮議度田。上下相傾動。恐喝不可。而公輒已。單騎從所在。父老行度之名。其田有倨而撓者。公故怒容。渥丹奮髯。眉相抵撓者。行避去。故壤則而賦平。不比而爭輸羨。若鍰一錢以上。率以糶。故異羨而粟流。又公深民桑柳。有籍數。去縣十餘里。要人孺子戲折其四五樹。圖捕之。償十五栽。而後止。罰必而先貴。故民不犯。所在賦飢人粥。治堧河。皆獨身馳數十里。察視曉夜。暴露不少休。故民無欺而不怨。衣褐食稗。而宮館馳。

傳俎豆咏歌之節必明以清故民儉而知禮語未卒予
撫然而歎曰此伯才也乃先公行爲載其牘長安以示
執政張公張公曰此固當以節鉞盡其任幸少須且以
御史行邊專屯田鹽筴開塞之事可也已而事移官止
吏部郎以廉梗訐激執政不可復容罷官去嗟夫人有
如此才能盡之于法而不爲盡何也用非其才也今吏
以貧弱之滕三年而暴富誠委之一二大鎮其行法益
巨三年當不異滕富強之效所求于臣者重而所求乎
人者輕然而終無亡敝之憂者固將曰天下已定風俗
已成法雖有所緩失亦未見急之能爲也嗟夫言治滕

者異矣。皆以公才且老，而非當急才之時，不幸而可悲。然以予意之，公雖進，不得如管葛諸公，主臣一心，光贊盛業，退猶免于吳起衛鞅刻厲之禍，其亦幸而生于王者之世矣。

題辭

湯許二會元制義點閱題辭

湯顯祖

惟清者貴
送士舉業
之案

人之愛子、甚于愛其身、度其身常智、度其子常愚、此其
故何也、予弱冠舉于鄉、頗引先正錢王之法、自異其伍、
已輒流宕詞賦間、所知多謂予何不用法、更一幸爲南
宮首士最、而好自潰敗爲、予心感其言、不能用也、庚壬
二午間、制義不能盈十、比杭守貳監利姜公奇方、迫予
明聖湖頭、令作菰、已近臘而逾春、卒卒成一第去、久乃
悔之、予力與機、可爲王錢而遠之者、亦非命也、生長子
遽年、孟舒早慧、因以所常悔者望之、取國朝省會諸

元作定爲正清側清之目示之兒蘧曰何一以清邪予
曰萬物惟清者貴元骨皆清十之三不能無側者耳此
目隨蘧亡去欲更目之仲大耆曰元多時貴人或以側
爲諱已之時季子開遠方學秬求可爲法者予教之曰
文字起伏離合斷接而已極其變自熟而自知之父不
能得其子也雖然盡于法與機耳法若止而機若行錢
王遠矣因取湯許二公文字數百篇爲指畫以示湯公
止中有行行而常止許公行中有止止而常行皆所爲
正清者也不從橫氣來不從橫襲見得天高而人深故
法聖而機神此予之所遷延流離而不能得者也而以

敬吾子、此豈不謂之大惡也哉

漢書卷之三十九

書

舒司寇

湯顯祖

養生可以
差交

吾鄉在管明惠未乏、邇向關、軟明公晶晶雄雄、殆欲爲
後生所仰、接手書、諷以方壯、宜近老成人、今滿朝鬪氣
者多惡少、今幸以爲戒、無與親、受教無量、竊觀先師有
戒壯在鬪、而衰在得、蓋血氣有餘、宜受以不足、不足又
宜受之以有餘、自消息、自補引、亦觀其生進退之義也。
如此、然後可以觀民、諸言者誠好事中多少壯、蓋少壯
多下位、與物論、近與老成更歷之論、遠相與黨遊、而執
政之遊、絕故其氣、英旣不習於事、又不通於執政之情、

名位輕而日月長去就不至深護或以此自熹議隨意
生風以羽成闢誠有之未足爲定也而諸老大臣又多
不喜與少年郎吏有風性者遊物論旣寡所得又進而
與執政親熟其恩禮宴笑因知其所難物盈而慮周中
多眷礙如井汲且收不復念瓶羸也故傾朝中尊卑老
壯交口相惡莫甚此一二年餘人各有心明公以諸言
事者多惡少正恐諸言事者聞之又未肯以諸大臣爲
善老耳以不佞當之與其開而兩傷不如交而兩成諸
少年宜上遊於諸老領所宜學時觀而勿語以深厚其
器而須臾成諸老亦宜稍進諸年少好事者挹其盛氣

以自壯。自補。無爲執政者所柔。因以益知外事。蓋不佞
竊唯以血氣損益相補之誼。年少之資。於老成人猶老
成人之資。年少鬪在不得。得在不鬪。二也。交而用之以
二爲一。蓋朝家以鬪啓壯者之用。而壯者故自以不鬪
資衰者之用。朝家以得懸衰者之用。衰者又能以不得
資壯者之用。而後知老與壯交相成也。惟血氣未定。好
色之遊。老成人正無所資之耳。如聞更有所近。夫亦知
好鬪之禍。烈於好色。正不知好得之譏。深於好鬪耳。不
佞言若反。然衛公九十餘。求戒卿士。自稱小子。未知臧
否誰投。以桃報之以李。區區有云。感於睿聖。報李之誼。

知門下不爲謔言撫手一笑

答呂玉繩

承問第去春稍有意嘉隆事誠有之忽一奇僧晤第曰
嚴徐高張陳死人也以筆綬之加以帚聚塵不如因任
人間自有作者第感其言不復厝意趙宋事蕪不可理
近變之紀傳而止志無可如何也

謝陳玉壘相公

閣下會昌啓運大錄凝祥虹玉早見於天而克岐克嶷
星壘代明於地而有馮有翼殷禮配天平格有陳伊陟
周常載日忠貞若曰君牙帝乃矐于在西儼三垣之上

其間不能
以寸

相。衆。所。居。而。共。北。况。百。里。之。微。郎。擬。附。鳳。而。卷。阿。之。車。
馬。何。多。欲。登。龍。而。積。水。之。風。雲。自。少。至。如。某。者。匡。中。朽。
垤。蠡。外。寒。流。高。挾。天。庭。已。識。淵。雲。之。秀。低。迴。世。路。彌。沾。
蜀。日。之。華。山。木。歌。其。不。知。澧。蘭。思。而。未。敢。三。年。待。臯。繭。
庭。身。素。食。之。慙。一。念。好。賢。王。室。世。袞。衣。之。敬。在。薤。薤。而。
莫。展。庶。斷。斷。以。如。容。

答馮永安

天。之。生。才。多。少。遂。亦。有。以。置。之。弟。才。少。官。之。易。而。安。兄。
才。多。官。之。難。而。危。東。吳。不。已。徙。而。南。溟。努。力。士。非。短。長。
坎。坷。無。奇。非。數。遷。不。能。所。在。有。迹。君。家。敬。通。豈。不。遇。主。

明倫彙編 卷之三十八
豈非曠材而至擯里。悲婦泣子。兄猶能忼慨。斷兒女色。
赴崖瘴縣。差爲遇於敬通耳。徭襍如憨。雉幸好馴之。

答錢岳陽督學

門下天姥開其壇場。日鑄生其鄞鄂。自領洪都之學出。
乎潛而見龍爰登。璧水之臺起于飛而振鷺。可謂琴瑟。
絲竹登魯。璧之清聲珪璧佩環下梅梁之古色。邇乃星。
辰。郎位參北斗。喉舌之司江海池陽正南國股肱之郡。
起新知於物祖。眷舊德以人師。若小兒聞遠方當舞象。
之年。敢附雕龍之世。而亦拂其總角。引以譽髦。雖豫章。
之生七年材不材而出地。得夫子之墻數仞。步亦步以。

窺天夫豈聞其無人必小子之有造若云幸哉有子慰
愚父之亡聊心底厲以弗諼意扳援而靡及恃父子家
人之愛愿公侯國士之知三事爲期萬年以祝

答趙夢白

天下皆知明公爲龍可興雲雨終不敢擾而用之疑非
人間物終不可近耳顧彼亦無雲雨天下之心誠有之
即似龍如弟輩必且祈卜而致之封固而迎之拜跪而
候之庶幾以類得雨而後送歸其處况如門下真龍者
哉聞公隱于酒酣暢高歌甚善承問索第時義於仲文
兄處不知第衰時時病苦不復留意此道近日三尺童

妙論

子能之第其挾掠絞擾其細已甚亦如數年中奏疏諄
譏之流耳公子高才俊氣能爲文章須爲其大者第近
號置翁乾而不出無由更睹清光悠悠天水徒塵思存
南臯書來慰第云茫茫海宇遂不能容一若士倘若士
此中又不能容一海宇即便爲所弄矣此語雖非其至
差足豁人亦足轉奉兄破蹙爲笑

答石楚陽中丞

弟流覽時事常有概於卜式之談縣官有隱能者宜輸
力富者宜輸財以文武兼資秉鉞乘障爲國力臣

楚陽庶吏
贈人惟效
油詩草何
得有幣相
贈

第爲世捐便宜率妻子耕種牧畜逐什一商賈之利致富。贏灌輸助邊今並以精力罷緩心計迂錯無能有所。墾蓄向麾下少致升粟寸鋸助軍市牛酒萬一而猥以。破俸厚貽顏拓無用之人此其人曾不能與牧豎同短。長而輒敢覲顏再饗不幾怙愛而頑無節度之甚者乎。誦扇頭報章五六十明珠瑟瑟然從肺肝鏘激而出必。非餘人所得懷袖者古歌但得一心人何用錢刀爲原。貺返辭篤誼中心藏之矣

答張夢澤

門下毓采南維宣機北極出蘭陵而結綬揚秋馥於清

珠針指

風臨滹水以鳴琴寫春融於白雪士民久希乎其棠賓
從鄰輝於玉燭至如不佞偏州浪士盛世遺民可爲大
夫枉登高而作賦又聞君子曾過庭而學詩子雲之心
尚玄世皆譏其寂莫長弘之血未碧天不鑒其精誠自
分地阻人偏殘轂二酉之蠹簡何悟天發吾覆快睹三
辰之龍旗蹇然足音燦其物色大臣之度休休若自其
口吉人之詞藹藹如見其心旣愛我甘敢自愧其雕飾
言采其苦必無弃于葑菲謹以玉茗編紫釵記操縵以
前餘若牡丹菟南柯夢繕寫而上問黃梁其未熟寫盧
生於正眠蓋惟貧病交連故亦嘯歌難續空垂愛日感

乃煩良馬三之恭承大製久絃誦於諸衿奉揚仁風輒
謳謌於片楮名香挹荀令之氣廉金頒陶徑之資感公
度之隆施慙寸私其匪報

寄張聖如巖使

觀人者醉之酒以觀其恭予之財以觀其廉今所試於
門下者非衆醉衆濁地邪石門之軟夷齊此心門下當
有道處此積氷奮飛未可量也庾嶺南枝時勤夢想惟
益堅氷雪以候春陽

答王霽宇制府

珠厓可擊捐之徒以屈漢公卿銅梁既開長卿所以喻
蜀父老人言不足中無信而見疑公度有餘外且存而
不論固已允文允武庶幾純孝純忠至如不佞清時弃
士僻壤餘生見武公代有司徒願附緇衣之好聞召伯
王命乃祖喜傳圭瓚之文顧後進而當王公之前纂組
難通於錦水匪先容而居賓客之末絲蘿乃寄于松潘
敢云續千賦之心何當動百年之感一語爲知九頃鳴
謝風雲路斷無由沾公旦一沐之榮雨露天寬庶幾賡
吉甫萬邦之頌

答門人吳芳臺舶使

晉人稱身處脂膏不能自潤若未處脂膏何言清也吾
弟此其時矣海剛峰在南盡裁官吏費共至二千餘不
佞見而知之魏見泉在邊歲節互市費積至七萬餘以
爲修堡之資不佞聞而知之二公卒稱名臣吾弟市雖
小不妨以大人自爲也宦東粵者清濁皆易見吾弟勉
之

答馬心易

三惠良書闕然不報此時男子多化爲婦人側行俛立
好語巧笑乃得立于時不然則如海母目蝦隨人浮沉
都亡眉目方稱盛惠想自古如斯非今獨撫膺矣偶記

兄欲我長歌撥悶扇頭奉爲撫掌之資眼中人如陸太宰何可更見右武居會城終不甚適一丘一壑乃可著吾輩耳

答李乃始

僕年來及致仕而世弃已久平生志意當遂湮滅無餘獨丈每見有暱僕之色每聞有賞僕之音僕萬有一中不無私念秋柏之實枯落爲陳偶有異人過而飮之曰此不死之餌也則必有采而畜之以傳其人者而自度清羸恐一旦爲秋柏之實不能不倚丈爲異人也獨自循省爲文無可不朽者漢魏六朝李唐數名家能不朽

者亦或詩賦而已。僕於詩賦中所謂萬有一當爲丈不
朽者過而異之。文章不得秉朝家經制彝常之盛道旨
亦爲三氏原委所盡復何所厝言而言不朽僕極知俗
情之文必朽而時官時人輒干之不置有無可如何者
偶而爲之實未嘗數受朽人之請爲朽文也。然思之亦
無復能不朽者。比來人才未有聽睹才識如丈年纔不
惑庶其圖之。僕觀館閣之文大是以文懿惠第稍有規
局不能盡其才久而才亦盡矣。能令作者能如國初宋
龍門極其時經制彝常之盛後此者亦莫能如其文也。
習而鬯之道宏以遠誠知且朽猶欲逾於莫之示而無

所聞者

以

疏

陳邊事疏

張棟

題爲邊事懷憂效忠無策縷陳愚款以冀一得事伏念
臣棟謏淺無似荷蒙 皇上拔置兵垣則邊疆之事臣
旣以身任之矣頃因人乏承 遣閱視則邊疆之事臣
又以身親歷之矣一時閱視諸臣率皆借箸持籌以還
報而臣獨未敢置一言者蓋深有見於邊事之難言也
無過戰守和三端而已言戰則兵何在乎馬何在乎可
徒手而搏否乎言守則恃有險乎恃有人乎可堅壁而
待否乎言和則和且貳拾年餘矣和之害至今日而彰

彰較著矣。臣固不忍不言，而猶不敢輕言，卽不敢輕言，而終不忍不言，願緩頰于皇上之前，臣欲首請罷和，先後諸臣之請罷和者屢矣，和竟不可罷，何也？當事之臣懼皇上也，懼言者也，皇上聖明神武，照臨在上，懼之也宜，何懼於言者？則有說焉。和之議始自嘉靖中，而成於先帝末年，已貳拾餘年於此，封疆之吏咸借此爲躋崇躋要之階，廟堂之上若恃此爲久安長治之計，戰守機宜棄置不修，懷夷至今而廢弛已極，一旦罷和，虜狼如狼，必張吻而入屠城戮地，萬萬所在不免言者不羣起而歸咎之乎？當事者之持不肯罷，臣

固知其非得已也。但臣伏枕而思，心血已竭。如能苟且目前，養寇禍國，而不與其憂，則和可無罷。誠念及於他日之禍，當必有按劒而起，不俟崇朝者。蓋嘗備查和之始議，謂當假此羈縻，姑緩其入犯。一年不犯，則有一年之成功。兩年無警，則有兩年之實效。但得三五年寧靜，而常勝之機在我矣。今奚啻三五年耶？而常勝之機何在？爲今日計，必曰虜強我弱，未可輕罷。自今伊始，務力修我備，真足以制其死命，而後和可罷也。嗟嗟！此卽始議云耳。人情不激則不奮，不懼則不思，不逼危亡，則不能輕死。故曰置之死地而後生，置之亡地而後存。儻

將和幸處
之衰耳

明文賞

卷之三

欲借和以修備、必文武將吏下至廝養刑餘、無一人非
忠臣義士而後可、不然、一念偷安、勇者可餒、一人易心
舉者可墜、今日以冀明日、明日復冀明日、更貳拾年、其
禍不知又當何如也、故和在今日、欲罷則罷、愈後時愈
不可罷矣、和罷于今日、其禍必慘、今日不罷而俟他日、
其禍且有不忍言者矣、此何待智者後見邪、臣是以欲
首請罷和、而臣又知其言之必不售也、無已、則願議
啟邊之令、願議損軍之令、以爲和助可乎、我旣與虜和
而邊將倖功、邊氓貪利、釁自我發、是誠啟邊也、若虜入
搶掠而我殺之、安得謂之啟邊、惟二十年來、兢兢然恐

壞和議以故虜殺我則無禁我殺虜則有禁虜且窺見
我意恣情狂逞一入卽搶一搶卽盡沿邊軍民袖手不
敢與敵間有操守等官稍爲白眼虜復揶揄之曰爾能
抗我我能中爾以罪遂皆相顧披靡而任其狂逞若奉
驕子可憫也亦可恨也願自今破此令無論邊將無論
邊氓有敢殺虜者虜至聽其剗刃卽盜馬劫帳亦可無
究虜或責我渝盟我獨不可妄對如彼所謂稍帶人口
所謂誤殺漢人乎虜日犯我不責其渝盟而我欲渝盟
卽恐自失信義臣之所未解也虜之入犯而不能收歛
不能堵截因被殺戮是誠損軍也若與對敵而致有陣

亡。安得謂之損軍。惟二十年來。第幸邊疆無事。以故虜之入犯。利于隱而不利於報。利于縱敵而不利於交鋒。急卽剝軍以媚之。而未敢有一人彎弓相向者。灰壯士之心。奪材官之氣。非一朝一夕之故也。願自今破此令。無論大犯小犯。一以提兵出塞爲上。不得以未奉軍令爲辭。倘事在卒急。雖先發後聞。亦無不可。奚止全師取勝者。可當上功。苟能鼓勇爭先。卽或有所損傷。亦宜置而弗論。若必束之科條。損一人也。傷一馬也。皆可罪也。竊恐淮陰將兵。終無是理。而欲責諸今日之邊臣。臣之所未解也。臣爲此言。似乎戾于和議。而不知正可以保

全和議、和議不罷、則臣之所願無逾此矣。夫和不罷、邊事必不振、因循三年、又當閱視、而臣則欲請罷閱視。夫閱視奉有先帝明旨、本因虜酋效順、恐邊臣弛備、故因此警惕人心、振興頹廢、且臣以匪人、業已承此遣矣、又何爲而請罷之、亦有說焉。臣惟自往閱視、而欲請罷閱視也、閱視之始、差大臣矣、未幾而改科臣、又未幾而改按臣、又未幾而改、命臣等九人分道以出、一噴一醒、而終不能保其後之不痿痺也。且閱視者、責在糾察、不在修舉、事已廢誤、雖糾察亦奚以爲、臣所至閱報冊、則八事無一事不修舉者、及按而查之、則八

事無一事不廢誤者將一一而求之乎將一一而寬之乎間有飾虛之極目不忍視至于拊心浩歎而卒亦付之無可奈何也臣是以知閱視之臣不能爲邊事效也誠得實心任事者分置諸邊方假以便宜疎其文罔使之積目累月次第修舉一年責以一年之成功兩年責以兩年之實效不啻如始議所云者則又安用此贅差以滋好事者之口耶苟邊臣不得其人雖歲一閱視月一閱視日一閱視亦何益矣臣是以欲請罷閱視而臣又知其言之必不售也無已則願議敘功之例願議罰罪之例以爲門乎所稱邊臣以身繫封疆之

車有鋒鏑死亡之憂故論功行賞當倍于腹裏迨和議
成而桴鼓不鳴刀斗不擊矣則姑就八事而課之謂能
着實修舉著有勞績斯可比照擒斬議賞而後漸濫觴
者何也以擒斬有可憑而修舉無所據也然修舉之跡
難據而修舉之念易明虜至而不能戰不能守其驗昭
昭矣今日冒土賞明日濫崇階此何說耶稍不如意又
以爲非鼓舞邊臣之道也臣惑之願自今破此例果有
實心任事不務粉飾者自當有超異之擢一歲九遷無
嫌于過倘止于尋常職業無所廢墜而已則亦人臣終
事之義何以當異功責厚報哉此例不議則閱視一行

僅足爲朝廷市恩賚。爲邊臣微陞賞。安所稱警惕人心之道也。功與罪不當並重邪。一勸一懲。勵世磨鈍。正藉乎此。而自和議旣成。往往有勸無懲矣。所謂踵襲舊套。搪塞誤事。卽照失機。擬罪其嚴乎。顧二十年來。未見有行之者。何也可以負朝廷而不可以負同類也。甚至掩敗爲勝。文罪爲功。下以欺上。外以欺內。駕虛飾僞恬不爲怪。卽欲一一攻其僞而發其幽人。且以爲望之深求之急。而非所以養國家和平之福矣。臣惑之。願自今破此例。在竊鈇召疑。投杼致謗者。雖誤罹法網。正當特爲昭雪。以伸公論。脫有徇私蔑公欺君誤

臣情罪得實者何妨重處一二以昭憲典區區疏官
奪職不足爲懲也此例不議則閱視一行僅可爲邊臣
文有過而不能爲朝廷明有法安所稱警惕人心之
道也臣爲此言似乎過抑邊臣而不知正可以振起邊
臣閱視不罷則臣之所願無逾此矣夫臣請罷和又
自俯而爲啟邊損軍之議請罷閱視又自俯而爲叙
功罰罪之議非臣之上願也臣又知當事者不能罷和
而或可從啟邊損軍之議不能罷閱視而或可從叙功
罰罪之議亦非常事者之上願也時也勢也蓋兩難也
則臣因是而復有說焉前人立法後人守之此論其常

原心人

也法之將敝識者補之此無妨通其變也今之時勢倘有可通其變而不當泥其常者乎臣以爲八事有當更議者矣八事有當增議者矣兵馬錢糧非八事中最爲喫緊者耶所謂積錢糧豈徒稽查盤驗之謂也考諸原題謂嘉靖中虜歲入犯兵馬防秋變主爲客其費不貲自與虜和而各邊兵馬各守信地客兵糧餉日有日積月有月積三年一閱試閱其所積幾何故不曰查錢糧而曰積錢糧積之字義可深思矣乃今訛以傳訛漫不知原疏之旨原疏不云乎戶部年例逐年處發不得短少每年防秋畢日節省過錢糧另項收貯以俟閱臣查

錢糧有出
籍無入籍

更不止此

誤

閱今之年例扣數而發業已無望其贏餘而民屯兩運
節年拖欠動以千萬欠一分卽少一分那東補西借此
抵彼日亦不給又安從而節省之也軍士月糧有三四
月未支者有十數月未支者有一兩年未支者什五枵
腹而愁千夫頓足而歎其窘迫無聊之狀有目者皆能
覩之而開造文冊猶繫以節省之名甚至傳會其詞以
爲比上次多積若干是何舛謬一至是哉其在今日臣
謂不妨明言錢糧缺乏但當苦心思所以節其流而防
其匱且軍餉云者軍之餉也不係養軍不係秣馬而一
槩動支此不可申其禁乎閱視者毋以有存積爲功而

如此則閱
視不可少
矣公蓋激
而欲去之
也

以無妄用爲功則廢乎節省者非虛名而有實際矣所謂練兵馬臣亦考諸原題謂兵馬不練與無兵同今既與虜和則國家閒暇可以不時操練故有大操小操合操分操之說而又責成各道躬親監督與各將領一體賞罰今無論各道卽各將領有能念及于兵馬者爲誰苟能念及於操練者爲誰三年閱視張皇下操僅僅一列營一布陣費金錢之賞而已臣不敢責人先自責已所至未嘗不操也其兵少不成行伍者未嘗不按冊查點也籍之而名姓依然數之而肖貌咸在持鎗挾彈銜轡就羈所見孰非兵耶孰非馬耶若曰是兵也是馬

也驅之當虜臣不敢信也。卽臣冊內所具實在精壯亦
不過一時較閱似勝于儔匹云耳。今之兵馬豈惟不練
正謂無兵。此非邊臣之故也。和議成之也。其在今日亦
不妨明言。兵馬單弱。但增馬增兵。必先增餉。無米求炊
空言奚益。曷不就其見在者而實操練之。次第革補。革
一老弱。卽可增一精壯。革一遊食。卽可增一控弦。姑舍
是而求召募。召募亦老弱耳。亦遊食耳。惡在其爲精壯
邪。二事爲八事所先。臣是以獨詳其說而請更議約
束。申告邊臣。謂當及今改絃而易轍者也。若乃所謂修
險隘。豈徒以耀觀美侈。載籍已哉。垣牆實足以爲限堡。

塞實足以自全誠靜制動逸待勞之道耳而不謂其流
之弊至于藻績粉飾虛文相勝有難以枚舉者其最可
笑無如壽山福海幾副花眼塚頭幾千萬箇皆稱險隘
具入報冊不知何益于實用卽無益于實用猶可言也
乃有創築一城創設一堡費帑銀竭民力以獵取功賞
者則尤可恨矣蓋惟以修險隘爲功夫安得不藉手工
築以報功也所謂整器械貴在多乎貴在用乎誠得其
用何取于多而流弊相沿以多爲勝遂致有捏報虛數
動計萬千而察之實未嘗有者展轉流傳卽經管官員
弗知也卽看守庫役亦弗知也其報稱軍置民置者虛

數尤多卒遇有警又請置造甚且假置造以妄用其私人而因之以叙功行賞則尤可恨矣蓋惟以整器械爲工夫安得不藉手置造以報功也臣竊以爲修險隘無足言功必被虜而收堅壁清野之效是之爲功整器械無足言功必臨敵而收攻堅擊銳之效是之爲功二事先該戶部條奏行臣覆議臣以另疏奏請謂當亟行更議者也若乃開屯田蓋實粟塞下之意法非不善也顧地利不同民風亦別無論各邊卽一鎮而自難以此例彼矣此或開彼或不可開彼易開此或不易開相地之宜寬民之力斯公私兩利之道而惟原議以多開爲

功則遂相率而報開。彼此爭勝所報雖多。熟者什一。荒者什九。強派軍餘領地納糧。在正軍則有扣抵而已。在餘丁則有充支而已。以致屯軍日窮而屯地日益荒。屯地益荒而屯軍又益窮。爲法之敝有難盡言者。請自今毋徒以多開爲功。倘有虛報開墾致累軍餘賠糧者。仍論其罪。此今日之屯政所當更議者也。若乃理鹽法。蓋飛輓助邊之意。法亦豈不善哉。顧邊地遼廓。客商憚遠而不至。土商消乏而無人。則僉報富民爲商。籍名在官。派引徵糧。其貧不能獨支者。又扳報子戶。衆擎共舉。甚至有一引而累及數人者。引雖不滯。如累民何。故利

仁人哉

奸細別名

在而民自趨之。其引不滯。真不滯也。法在而民不敢違之。其引不滯。非真不滯也。請自今毋徒以引不滯爲疏通。倘強之通而不惜民之累。正所以爲罪。則今日之鹽法不可不更議矣。若乃逆黨云者。謂如丘富趙全等。從虜爲逆。所當用計解散也。苟無其人。何必具數。而乃支離牽合。漫取降人及通丁等。報入冊內。臣初閱報冊。多者百人。少者數指。以爲真從逆者也。試呼而問之。皆在營軍士耳。或因其被擄。逃回。或因其偶通夷語。則遂謂之逆黨。况已造入兵馬之數。而又報爲逆黨。一人兩見。順耶逆耶。此一事也。臣謂當更議。必係從虜爲逆。卽

如今板升等夷脫能招而掾之斯誠哉其爲散逆黨也
不然事屬欺罔請坐之罪可乎若乃胡馬云者始謂
以馬爲市假此羈縻虜酋而我又資馬以爲用敵以多
收爲功乃今所市之馬已一無可用者徒有市馬之名
實以馬價委之溝壑而已且以其馬分派軍士扣伊用
糧抵充市本各軍朝領而夕斃所得不足以償所失軍
日以貧虜日以富虜以垂斃之馬耗我養軍之需我賊
有限之財易彼無用之馬非徒無益而又害之矣八事
中猶然以收胡馬論功豈不大謬耶臣閱視固鎮雖無
市馬而聞諸各鎮閱視者備言市馬之害臣是以謂當

更議昔也馬有用則以收爲功今也馬有害請以不

收爲功卽不能不收然必減于原數者爲功浮于原數者爲罪此一事也似與原議相反而實今之時勢不可不亟反者矣猶未也先年各邊撫賞歲有定額所未定者宣府一鎮耳果能堅守原額而弗逾何至扣軍糧扣馬價以填漏卮耶惟虜酋之貪得無厭要求無已邊將格于和議恐市不成而有罪則不得不私增于原額之外一歲所增又爲來歲之額而虜之貪得如故要求如故不得不又增于所增之外日增日多而無能神輸鬼運以探諸私囊也剝軍媚虜職此之故矣今歲閱視者

出奉有明例斟酌定擬卽宣鎮亦已有額謂當一體
遵守倘不能守今日之所定而復如往日之私增臣恐
後之視今亦猶今之視昔耳故閱視不罷則覈撫賞當
爲一事無論其取諸官取諸軍但有私增卽抵以罪雖
增八事而爲九事亦何不可猶未也各邊經制先定於
嘉靖四十五年至萬曆九年重定是刻成會計錄似可
永安而弗變矣顧先今時勢不同終難拘之以畫一之
法倘欲執其初定者而必使一無增損旣扞格而不行
然則任其隨時增損而盡失夫初額則又非定經制之
意二者皆不可以爲訓今歲閱視者出已該戶部題

准申明限制卽未必遂可據爲定規大約已有定數三
五年間臣固知其無甚變更也今而後但遇閱視之期
一定經制之額制額既定守而勿渝若旋議旋定旋增
旋損則又安用經制爲哉故閱視不罷則定經制當爲
一事酌議必當持約必堅倘以虛文相應有罪無宥雖
增八事而爲十事亦何不可再照閱視之例三年一遣
九邊三人而今歲醜虜寒盟適當三年之期遂有九人
之遣臣棟謗淺無似幸隨諸臣後黽勉報命而於心
終未能慊然是以有此陳請伏念稽覈貴詳而不貴
數三年之期似不必泥也遣貴得人而不貴求備三人

聞公作此
疏半月乃
成真實經
濟手惜哉
斯人

九人之數似不必定也。誠得其人。則當如今歲臨時
請遣。似不必拘以衙門也。誠得其遣。則當如今歲便宜
從事。似不必限以完期也。諸如此類。乞 勅該部酌議
停妥。務使閱視不爲空行。以維和議不終誤 國。則邊
疆幸甚。臣棟幸甚。緣係邊事懷憂效忠。無策縷陳。愚款
以冀一得。事理未敢擅便。謹題請 旨。

疏

早定大計疏

伍表萃

於國本
之慘慘
如此

爲懇乞

聖明亟召輔臣早定大計以安

宗社事臣

于前月接邸報大學士王錫爵具疏求去蒙

皇上慰

留褒以忠誠且云自有深意欲召之而見商量國事使

之安心慎毋疑阻臣莊誦

綸音仰見我

皇上之待

首輔真如股肱心膂形骸無隔又如家人父子情誼相

通有君如此其忍負之錫爵宜何如報稱也臣竊思之

皇。上。注。意。之。深。莫。若。

元子方今國事之大莫若冊立

而慰安首輔之心俾無疑沮莫若冊立

元子且首輔

之忠誠簡在素矣而輿情未協煩言日滋不日逢迎
則曰阿狗疾仇之無已何也則以其一出而誤宗社
大計也首輔亦因此省愆念咎期收之桑榆而回天未
能曠官可恥不去奚以自解此其心之所爲大不安也
此其至再至三而懇辭也皇上旣欲安其心而不早
正元良之位其何以安之當群臣之交章請也皇上
悉置不納而一旦有面見商量之旨豈非慎重國本謀
及官闈不可也謀及近倖不可也獨斷于宸衷而密決
于宰執乎聖意誠深矣大小臣工欣欣焉翹首企足
而望者至殷切也今首輔出而供事亦多日矣皇上

既不聞召見首輔亦不聞請對臣甚惑焉將玉體未平
少遲清問抑所謂使之安心者止以高爵厚祿縻之耶
則首輔去而復來之謂何辭而復出之謂何而僅僅爲
爵祿縻也臣以爲冊立之事一日不定則首輔之心一
日不安卽首輔或能安之而不可不止赧顏就列其若
天下後世清議何君臣相遇自古爲難首輔受
皇上
特達之知非千載一時耶而竟以始謀不臧不獲展厝
一事籌畫一策方且以身爲射的爲禍梯不亦可惜哉
夫爲錫爵一身計猶無足惜獨
明旨屢易而不信
儲位久虛而莫屬外議紛紜人心惶惑則臣之所大恐

也。然則速賜面見，早定大計，非徒安首輔也，實所以安宗廟所以安社稷所以安天下之人心也。關係甚鉅，故臣願陛下之亟圖之也。抑臣又聞之唐虞之際，不特臣戒君，君亦戒臣。故都兪稱美無忘吁咈之規，喜起賡歌，猶切情陳之儆。君術明，臣道得也。後世人主御相，有溫諭無戒詞，其始也禮貌極隆，寵榮極渥，且爲之逐言官，排異議，以安其心。卒之時移事改，剛者滅宗，柔者覆餗，能全始終恩遇者幾何人哉？以是知寵利難居高位，疾憤而儆戒相成之義，胡可廢也。伏惟皇上以堯舜之君自待，亦以堯舜之臣待臣。時召公卿輔弼而戒。

勉之正已以格君心虛衷以定國是借劔埋輪者一
鳴而輒黜依草附木者毋衆惡而必留分別邪正以成
和議之風開布公誠以昭蕩平之治如是而公論不與
相業不光天下不安者未之有也臣非不知越俎有咎
嬰鱗必危顧念當此國家大事臣子何忍無言又念元
老大臣不惟國家之急而喜同惡異漸履前人之覆車
也乃敢披瀝悃愚冒瀆 天聽臣無任隕越恐懼之至

卷之三十六

書

上首輔書

伍表萃

劉相公荅
書曰今已
步步努力
敢以一
塞責可
兩高

萃也聞之小臣畏罪而不敢言大臣持祿而不極諫此
國家之大患也頃因三王並封之命在廷諸臣相顧
駭愕共懷杞慮引經據禮而爭者疏且數十上矣然而
正論未伸聖心難悟新命雖寢儲位仍虛萃以
爲此大臣不極諫之過也汲長孺有言天子置公卿輔
弼之臣寧令從諛承意陷主于不義乎斯言也鼎鉉之
藥石廟堂之箴銘也今公卿輔弼之臣受主上之祿
不爲不厚擔主上之爵不爲不高蒙主上之恩遇

不爲不渥、休戚與共、繩糾是資、而當此國家大事、宗
社安危所係、天下理亂所關、曾不聞伏青蒲而泣諫、叩
玉階而固爭、默默容容以爲特祿之計、僅以公疏塞責
而已、引炬專稱于文靖、補袞希觀于仲山、方且坐視三
三小臣貶逐而去也、胡顏之厚耶、夫主上之所改容
而禮貌者、大臣也、則主上之所傾心而聽從者、必大
臣也、大臣而不能格君心、定國本、又誰望焉、恐焉用彼
相取譏、良史矣、雖然、此猶槩而論之也、閣下負天下之
重望、荷明主之殊眷、其絕裾而來也、先國家之急、而
後其親也、八袞之慈、親尚且後之、而肯逢君以效龍戩、

柰何徒知從君之命爲順而不知立君之子爲順
徒知並封三王爲將順之忠而不知冊立元子爲匡
救之忠迨迫于公義乃始以錯誤自居也嗟乎此何等
事而可以倉卒錯誤耶安社稷于俄頃定變故于須臾
古人大手段多自倉卒間見之而閣下不爾耶萃聞大
臣處人主骨肉之間危疑之際謹論師石大夫而稍有
遷就則中立貽譏婉詞法李鄴侯而少有迎合則獻諛
蒙誚閣下之心中立耶獻諛耶必不其然而迹則近之
矣茲雖言錯言誤也其誰諒之昔漢高祖之惑戚姬也
羣臣不能解而卒悟于四皓之一見唐高宗之立武氏

也。舉朝不肯從，而竟決于李勣之一言。何則？心有所獨信。機有所獨辨也。今日之事，主上不博謀于諸老，而獨謀于閣下，不顯諭于公朝，而密諭于私室。蓋國有著蔡，非此無以決嫌疑，定猶豫也。當時閣下能以正對，不占險而占易，不卜僭而卜信，則宗社大計一言定矣。君臣相遇，千載一時，而直爲此遷就迎合也。惜哉！惜哉！卒之，前星懸而失耀，主鬻虛而莫屬，暫止耦國之嫌，狐裘可以不賦，終存抱子之逼，兎走未爲無爭。閣下處此，安得晏然而已乎？或爲閣下計者曰：惟有去而已。萃則曰：閣下可以徒去哉？去就系一身之輕，而冊立男

國家之重閣下之入京也。以力請面君爲第一義。其入閣也。以力請建儲爲第一義。萃嘗陳之左右。而茲且兩失之前時。天下所爲延頸企足而望者。閣下也。今日天下所爲痛心疾首而恨者。閣下也。已誤之。已能挽之。然後可以謝天下。不然是宗社大計。閣下一出而壞之也。卽速去。猶有餘責矣。故萃謂在諸老。固當批龍鱗而極諫。期于神器有歸。而不當以一疏塞責。在閣下尤當垂涕泣而導君。期于大典復舉。而不當以一去爲解。伏惟閣下深惟國家根本之慮。捐軀報主。至誠以感動之。竭力以匡正之。庶幾乎吾君之一悟。而元良

蚤建也、則宗社萬年無疆之福、閣下定造之矣、若夫
得君專而回天不易、則非萃所能知也、萃孤遠賤士、通
籍十有七年、而強半家居、雖附梓里、未嘗請謁、特義激
于衷、故敢以狂瞽之說進、子產之謂子皮曰、子于鄭國
棟也、棟折榱崩、僑將壓焉、敢不盡言、萃于閣下亦云、惟
閣下執事寔重圖之、

祭文

祭海忠介公文

伍表萃

明故南京右都御史忠介海公發跡瓊臺蜚聲天壤勾
吳伍表萃聞其風而慕之有年矣萬曆乙巳觀察海北
會海南林憲長臭味交孚乃檄有司構祠祀公既成祭
告其辭曰公之秉如皎日公之履若凝霜公之心信于
君子公之迹疑於小人公之胤斬于一時公之名垂於
萬世人之知公者在繩糾一疏可以見公之繫余之知
公者在終始一節可以定公之品初厄於吳相繼厄於
楚相今二相之灰冷矣而公之忠誠益顯初毀於省臣

高中玄

申理海公
諸疏甚
光

明文
卷之三
四
繼毀于臺臣。今二臣之骨寒矣。而公之聞譽彌光。萃也。
徧閱名世衡鑑。頗審或矯飾于外貌。而中情實悖。或矜
奮于壯年。而末路頓墮。全節完名。惟公一人。公之神在
天。公之像在堂。廉正者謁之。而欣然有會于心。貪邪者
謁之。而泚然有汗於額。卽矯託者謁之。亦見其足將進
而趑趄也。嗚呼。是足以扶植名教。而振起世風矣。尚饗。

論

論龔渤海

顧憲成

虞衡漢書
久而上下
之矣口快
筆

時之多亂民也俗之浸淫使之也善治者握其轉移之
機而後可以齊未俗可以戡大亂夫民之愛其生甚矣
豈不欲日陶陶焉據其本業以相嘔相靡顧夫俗之所
趨有遁于末流技俗不可復制者而上之人又無以轉
移之則固無以保其相生以還其相嘔相靡之道已矣
民若之何不互相凌軋以恣睢攘臂于大塊內也善治
者悼斯民背馳之如彼惻司牧者失教之如此于是一
切罷其斬伐箠策而顛顛焉務爲煦嫗覆育以勞來而

率化民亦且翊皇顧望風走響赴而一聽于吾志之所
動吾以是知斯民之果可以教易而斬伐之道果不可
以待天下也更稱龔少卿治勃海其息盜無他長大都
銳意田農樹畜富民足食云說者曰相高下視肥磽序
五種休六畜教氓之事修獻命審誅罰廣入徒知乘白
遺盜之事是兩者不可同日語也故夫民方逞其驚悍
難使之氣以睥睨跂望雄行角出而吾循循焉把其所
謂撲力寡能者以調其心服其氣而欲聳動其志是猶
無鑄銜縶策而御駢馬也龔氏之治毋亦迂與其盜止
民偷幸也意是大不然嘗攷龔史謂齊俗好末技不田

作而勃海郡界其間人民華茂而不撲蓋多國之俗也
是故博徒游俠則丁壯而不耕椎埋鼓鑄則當年而不
耨瞋目語難則鈇士之爲尊駢肩結轂則牧畷爲之賤
身日積技室日積貧民日積巧地日積瘠喬詰小吏且
置其撈腹銷饑者而重其所謂浚膏剝脂者民安得不
振日振腕拊膺頓足驚萑蒲而馮山海驚戎馬而亂潢
池也噫民惟不農吏惟不知教民農故至此脫欲裕民
止盜非驅之于農而值儻削法刻誅也其誰與我水方
壞是漂石障其流而衝愈甚烏方駭而驚執彈而招之
而駭愈急故欲已衝而止駭莫若塞源而奠巢也欲綏

下忠此

氓而已盜莫若邵農而足食也龔氏於此固已私憂而
熟計之矣其言于朝曰海濱遐遠民困于饑寒而吏不
恤味是言也豈不惡卓驚樂响濡而犁然知桑農衣食
外天下無弭盜法哉是故郡兵則罷捕吏則省郵驛無
夜行鈴驛不晝擊持鉤鉏者爲良業農器者爲馴長劍
短後者禁垂冠曼胡者裂然後倉庾見貸以時發然後
韭菜籛榆以時蓄然後雞豚牛犢一切而剽車然後駢
剛赤緹別一而成種然後五谷以澤量然後六畜若烟
海技者農巧者椎硃者勤饑者飽寒者溫其响謳噢咻
嘆于田垌而多風俗俗達于轉圜益三代以還吏治稱

以富蓄積民者。參參寡。傳語。夫其猾賊。任威。弗如濟南。
辯校。椎擊。弗如鄴郡。發奸。擿伏。弗如潁川。邇。條。然。使。濱。
海。遐。邇。頽。銷。其。盜。竊。癥。瘕。之。習。而。進。之。累。世。田。里。桑。麻。
之。樂。尸。而。視。之。社。而。稷。之。至。易。世。而。民。戴。德。弗。怠。然。則。
吏。誠。不。在。見。奇。標。異。而。必。德。薄。惠。淹。之。爲。上。也。且。嘗。周。
覽。上。世。益。有。感。于。少。卿。召。南。國。非。古。今。所。稱。聖。牧。邪。暴。
遽。遠。野。聽。斷。隴。畝。沒。身。而。民。弗。翦。所。羨。矣。國。僑。鄭。之。良。
大夫也。迺。田。疇。之。植。華。然。聲。施。下。里。焉。之。二。君。子。其。總。
理。人。羣。述。宣。王。德。曷。嘗。不。以。農。事。先。吾。獨。恠。夫。輓。近。世。
之。參。參。也。吾。又。喜。夫。參。參。中。有。龔。少。卿。也。雖。然。少。卿。信。

良矣其治郡吾無訾矣、迺水衡職山澤也、竟不能使海
內富蓄較若一郡、豈其智不出乎四境、神不能周乎寰
宇哉、遇使之也、宣皇帝好綜名不務核實、而少卿老成
樵樸即燁然耀視聽、不爲也、此其所繇難遇合矣、治一
郡則顓經天下則掣治效之有竟有不竟宜也、使少卿
在文景朝其富國當不在管子計然下、庶幾哉民有廖
乎而惜乎所遇之非所才也

疏

舉三孝子疏

陳子貞

張梅繫合肥縣民、梅家甚貧、母韋氏、能盡子道、萬曆六年、母病、肺甚篤、乃嘗其穢、并其痰、焚香告天、願以身代、母果病愈、十一年、母復病癰、親爲吮舐、母病復愈、又葬祖綬、適隆冬大雪、泣告天地、僵臥穴中、忽然晴霽、又父文貴病歿、築廬墓側、日夕悲號、三冬之時、山花徧笑、人以爲孝感之祥、名著一方、年逾六十、該臣看得張梅貧無立錫、孝堪勵俗、母始病肺、則嘗糞嘗痰、母繼病癰、則吮膿吮血、營祖葬、裸身溫穴、而積雪夜晴、廬父墓、泣自

毀形。而山花冬放。事生事死。盡禮盡思。況出村氓。尤徵天性。既經勘實。相應表揚。

王在復。係太倉州民。嘉靖三十三年。地方倭亂。在復時年二十一歲。隨父監生王亮燾。讀書城外朗澄菴。本年五月初九日。同父奔入城居。父因身肥。不便行。至中途。遇倭。父子相失。時在復已脫身二里許。展轉尋父。聞父為倭執。急趨父所。見倭露刃嚇財。跪求祈免。倭以刃背擊其父。即以身蔽之。痛哭哀求。倭怒。奮刃一揮。父子截為四段。二首墮地。而軀殼猶相扭。不釋手。同時避難窓友徐志昂。徐仲山。馬堂金良等。目擊可登。本土家上。

倭禍之

慘如此

被賊戮

倭之難

者其報

讎之不

問可乎

絕湮沒日久迄今父子一塚藁葬州城之北該臣看得
王在復孝出因心義能夠難捐生於嚴親之被執同死
於倭寇之狂鋒兩兩幽魂含泣九原之下英英烈行同
揚萬口之芬孝出異常光沉沒世既經勘實相應表揚
李文詠係崑山縣儒學生員素性孝友父原任沂水縣
知縣李大經獨寢書室萬曆二十七年十一月二十四
夜陡然發火文詠臥室與父懸隔一牆驚號悲救突入
抱父斬以俱出而炎燎燭天棟榱盡覆橫身翼父而竟
不得免父子俱遭煨燼義男李安目擊其狀夜半火息
檢撥瓦礫見父剩全屍子餘半腿次日縣官登門查閱

鄉約保總高經趙中玉等、同驗該臣看得李文詠孝得
天性之純、學盡人倫之大、憫伊父之被焚、挺身赴救、因
棟榱之盡墜、與父同灰、翼身烈焰之中、父猶剩有全體、
捐軀瓦礫之內、子僅餘一殘股、殺身以成其仁、殉父以
全其孝、綱常增重、閭里傳芳、既經勘實、相應表揚、

墓誌銘

光祿大夫柱國少師兼太子太師吏部尚書中樞
殿大學士贈太師高文襄公拱墓誌銘

郭正域

只讀傳不
讀誌幾失

公矣

嘉隆之際相臣身任天下之重行誼剛方事業光顯者
無如新鄭高公而先後處兩才相之間先爲雲間後爲
江陵雲間善藏其用籠天下豪傑爲之羽翼善因時耳
江陵負豪傑之才其整齊操縱大畧用高公之學而莫
利居先彼方剗刃此猶坦腹蓋公之瀕歿者累矣志不
盡舒才不盡酬悲夫公沒且二十四年而嗣子務觀乃

得請易名之典

上予謚文襄謚法因事有功曰襄

上念公功在社稷也旣得請而務觀乃敢乞誌文按狀
公名拱字肅卿其先爲洪洞人六世祖曰成者避元兵
徙新鄭居焉成生二二生亮亮生旺旺生魁籍部郎中
魁生尚賢光祿少卿娶於沈舉六子兄捷南京僉都御
史掾金吾衛千戶弟操才右軍都督府經歷揀鳳陽通
府公生而狀貌瓌奇苦學問攻經義爲文不好瑣屑而
沈雄開爽出人意表年十七魁其鄉辛丑成進士改翰
林院庶吉士授編修時分宜華亭各以計相傾公無所
見厚薄

穆宗爲

裕王出閣講學居外府公爲講官

先在開道王目屬而心儀之時人心洶洶王日懷叵
測兩府雜居讒言肆出公周旋邸中竭力盡心王深
倚重之考滿陞侍讀戊午典順天試尋陞侍講學士在
府凡九年陞太常寺卿管國子監祭酒事王賜金繒
甚厚哽咽不能別公雖去講幄府中事無大小必令中
使往問一日思先生甚親書懷賢二字遣中使賜至第
無何又書忠貞二字賜之又書啟發弘多四字賜之壬
戌陞禮部左侍郎兼學士知貢舉科場諸弊百五十年
所不能正者革之殆盡癸亥改吏部左侍郎兼學士掌
詹事府事時少宰缺公當往公曰吏曹事不令兩侍郎

知吾無以報

上而徒以虛名鎮百僚無以爲也竟辭

不就乙丑主考會試所爲程士文奇傑縱橫傳誦海內

六月陞禮部尚書兼學士禮曹故自詞臣往不習吏事

弊孔叢雜公吏事精核每出一語奸吏股慄俗弊以清

丙寅進兼文淵閣大學士參預機務未幾召入直賜直

房食用乘馬時分御膳畀之閣臣入直西苑自世皇

中年始有事在直無事在閣世皇諭閣臣曰閣中政

本可輪一人往徐文貞竟不往曰不能離陛下也袁

文榮亦不往曰不能離陛下也公正色問文貞曰公

元老常直可矣不才與李郭兩公願日輪一人詣閣中

習故事文貞拂然不樂會世皇不豫入直諸公各移
具出時江陵公尚爲學士以公事至語公曰君父病篤
臣子移具可乎公愕然曰吾意乃如此竟不出而吏科
都給事中胡應嘉有所授旨遂以是劾公曰皇上違
和正臣子籲天請代之時而拱乃爲歸計此何心也蓋
以此激怒世皇爲傾公計會世皇疾革不省覽龍
馭上賓華亭公於袖中出草詔欲以遺命盡反先政公
謂語太峻與安陽公對案相向曰先帝英主四十五
年所行非盡不善也上親子非他人也三十登庸非
幼小也乃明於上前揚先帝之罪以示天下如

先帝何且醮事 先帝幾欲止矣紫皇殿事誰爲之而
皆爲 先帝罪乎土木之事一丈一尺皆彼父子視方
略而盡爲 先帝罪乎詭隨於生前而詆訾於身後吾
不忍也相視淚下語稍聞外廷而忌者側目矣會 上
改元問閣臣於是四臣各擬二字上 上竟號隆慶則
公擬也人謂 上意在公又議登極賞軍事公曰祖宗
無此自正統元年始也 先帝以親藩入繼時尚殷富
遂倍之今第如正統事行則西百萬之中可省二百萬
矣當事者竟如嘉靖事行而司農苦不支會有言大臣
某者其人實有望不當擬去而首揆重違言者意乃以

記述

揭請上裁。公曰：此端不可開。先帝歷年多通達國體，故請上裁。今上卽位甫數日，安得遍知羣下賢否而使上自裁。上或難於裁，有所旁寄天下事去矣。乃竟請上裁。兩人嫌益開。言者爭謂公擅矣。而胡應嘉故以危機中公會大計給事中，欽被黜。應嘉上疏論救諸公，以應嘉亂政黜爲民公，以嫌故不敢出一語。而外廷爭謂公去應嘉矣。于是歐陽一敬輩論劾公不少休。時公初在政府，無大異。而三月之間，言者三十餘疏，公亦力請去。疏十二故事，拾遺不及閣臣，而南給事岑用賓、御史尹校遂以公拾遺。公自念非請病，無以謝人言。

遂力求去。穆皇驚問左右曰：高先生病邪？左右對曰：病甚。穆皇猶弗忍，良久得請，賜馳驛遣行人護送，又賜銀幣以歸。既抵家，猶有白金蟒衣之賜，越一載，上思公不置，詔還內閣兼理吏部事。公至，慨然以天下爲已任。凡晨理閣事，午視部事，人謂公門無片楮。公曰：是奚足哉？大臣以體國爲忠，以匡國事爲美。區區小廉，細節耳，寧足多乎？往黜陟取辦，倉卒不無紕繆。公集諸司官各授之策，曰：吏部職在知人，人不易知也。幸諸公早計之。某也德，德何如？某也才，才何如？書諸冊。某也不德，不德何如？某也不才，不才何如？書諸冊。某也所自見。

某也得之何人書諸冊皆親封記之月終以復於予情
之哉予且以此見諸君賢每歲所得凡百八十餘冊以
爲參驗以故賢否不淆黜陟允當北虜頻年入犯中外
以兵事爲憂公曰大司馬安危所係至重也不得其人
由儲之不豫少司馬止二員此無事時耳閱邊事未免
假於他官或遇總督乏人未免移於他處假他官則非
本職不便行事移他處則補于東缺于西彼此候代動
經歲時不得履任門庭誰禦請於兵部增侍郎二員一
遇巡閱卽以一人往邊方員缺卽以一人往凡邊方險
隘虜情緩急將領賢否士馬強弱皆已曉暢方略素定

遇大司馬員缺卽以補之如此而稱乏用必不然也兵
乃專門之學儲養本兵大臣當自司屬始兵部司屬職
在軍旅而不擇其人泛然以用又往往遷爲他官今宜
特高其選而以有智謀才力者充之使其專官於此不
復他遷如邊方兵備卽以司屬往邊方撫臣卽以兵備
往邊方總督卽以撫臣往而總督與在部侍郎時出時
入以候尚書之缺如此而稱乏用必不然也邊方之臣
又宜特示優厚使其功名常在在人先他官不得與之論
年月晚或不稱則律以法使其功名常在在人後如是而
猶不盡力必不然也邊關總督之臣在邊日久著有成

更兵二部
所有所議
乃上而不
易之至今
日所當急
行者也
明史稿

續當令回署以休暇之後不妨再由使其精神不疲而知慧不竭以勤王事爲濟必多得 旨報可已又上疏曰方今邊徼用兵惟是薊遼宣大延綏寧夏甘肅而南則閩廣是數處者一有警有所處分祇隨奏報多不中窾請於是數處擇知兵事者一二人使爲兵屬彼有身家之慮凡山川險易將領賢否奏報虛實功罪真僞可一問而得請以是爲叅伍之資得 旨報可著爲令甲已又上疏曰臣惟邊方有司有疆場之責才者猶懼不堪卽優禮而鼓舞之猶恐不振乃官其地者非雜流則遷謫待之旣薄志意墮沮又何望于展布蓋徒以地苦

其人而曾不顧人之苦其地也。徒以邊方爲遠而不知。遠安然後邇安也。請擇年力精強才氣超邁兼通武事者。調用有能保惠困窮。俾皆樂業者。以三年爲率。比內地超等陞遷。有能捍患禦敵者。以軍功論。不次擢用。卽由此爲兵備。爲巡撫。爲總督。無不可。惟以治效。不以資格功名之路。旣開。則凡有借口。邊方以圖倖進者。不可不爲一定之說。薊遼則昌平順義。密雲懷柔。薊州玉田。豐潤。遵化。平谷。遷安。撫寧。昌平。黎樂。亭延。慶永。寧保安。安樂。山西則河曲。臨縣。忻州。崞縣。代州。五臺。繁峙。定襄。寧

寧。鄉。岢嵐。嵐縣。興縣。靜樂。保德。大同。懷仁。渾源。應州。山

必如此方
不枉執筆

陰朔州馬邑蔚州廣靈廣昌靈丘陝西則固原靜寧隆
德安定會寧蘭州環縣安塞安定保安清澗綏德米脂
葭州吳堡神木府谷其他不得槩以邊稱得 旨報可
時虜甚警朝臣無經戰者人心震恐公乃以尚書陳希
學曹邦輔侍郎王遴各率師背城列陣以待以京尹栗
永祿南都御史護守山陵又起都御史劉燾于天津守
通糧而以總督王崇古譚綸專征勦無內顧以侍郎戴
才理餉是歲也虜竟不入霜降讞獄故事府部皆在家
宰當執筆至是大司寇意公閣臣不屑往公曰 上命
我視吏部部事皆吾事也第須得情耳不至如往年問

之命妙絕
妙絕

果枉又虛
留至五年
不然死者
不可復生
矣

妙

明文奇賞 卷之二十九 五十二
法司故牘唯唯耳於是秉燭視獄詞漏盡不休晝則集
諸司議於朝房凡二十日往歲矜疑不越三四十人至
是出冤獄一百三十有九人內王金革六人謂以硝黃
損先帝聖躬以子殺父律置極典公驚曰豈有子爲
天子而殺父之讐五年尚然在錄者乎先帝臨御四
十五年享年六十以正寢天下所共知今蒙以非命天
下後世將謂之何遂上疏明其說有旨皆釋之往大
計時銓曹祗問藩臬爲黜陟公多所參伍或衆否獨留
衆可獨黜其黜者必告以故無不惴服稱神明謂前此
未有也已又策天下有司曰各地方有何賢才尚隱淪

有○何○兇○頑○尚○梗○正○有○何○利○當○興○何○所○沮○而○弗○興○何○害○當○
革○何○所○畏○而○弗○革○皆○得○言○之○令○封○識○以○告○天○下○事○皆○在○
目○中○矣○時○天○下○重○制○科○輕○科○貢○公○曰○天○下○制○科○處○其○三○
科○貢○處○其○七○是○崇○其○三○而○棄○其○七○也○乃○疏○請○惟○賢○是○視○
不○計○科○貢○除○吏○時○其○善○地○多○留○而○不○除○名○曰○養○缺○公○曰○
民○方○無○主○吾○何○以○留○爲○祇○留○以○供○用○且○以○供○人○之○用○耳○
吾○無○所○用○又○不○供○人○用○則○何○留○焉○於○是○命○選○司○凡○所○有○
缺○悉○揭○諸○門○外○使○衆○見○之○故○事○推○陞○時○皆○主○事○揭○授○郎○
中○呈○於○冢○宰○公○曰○堂○有○侍○郎○司○有○員○外○疏○皆○列○名○而○事○
不○與○聞○何○居○此○不○過○欲○行○其○私○耳○吾○其○改○是○令○吏○抱○牘○

至後堂。二侍郎同所屬揭之。卽冢宰欲有所上下。不能也。鹽馬之官。暨遠方府守人。皆薄視之。以故善政無聞。請以賢者往。不得復有低昂。積谷遇貧薄之區。則何以取盈。完糧當苦寒之地。則何以足數。於是特寬其額。而官不苦難。教官暨驛遞開壩等官。本無民社。而竟處以他省。遠方使有官者。不能赴而去官者。不得歸。乃請得選本省人。皆稱便。它如開王親內轉之例。覆一甲讀書之規。正撫按舉劾之差。嚴京官考滿之實。分進士講律之會。定王官陞授之條。議有司捕盜之格。遂使朝無偏黨。官無煩苛。九州四海雷動風行矣。廣東昔稱樂土。後

卷之二十一

爲盜區上官計無可施每以撫爲得策公請以殷正茂爲摠督促其勦除勿致養寇而廣東郡邑多除制科寬其薦額勿拘成數遂使廣東亂民樂業而向化矣先是貴州撫臣白上官安國亨叛逆當勦久而不克公復偵知國亨非叛而巡撫者輕聽讒而倖功也乃以少卿阮文中往受計行阮至貴得實如公言然徂于浮議語多依違公復之書曰民夷異類順逆殊途稍有釁隙當自處分不可過言于君父之前君父威在必伸一有叛逆便當撲滅可但已乎事非其真過以言之則將何以處也安國亨安智夷族自相讐殺何謂叛逆而撫臣

以告國亨禍不測且圖苟全有司不原其情激而成變
卽以爲叛逆之證可恨也國亨上疏乞哀叛逆者若是
耶有司仍以叛逆論之遂使朝廷欲開釋而無由國
亨欲投順而無路且智國亨讐也智在省則國亨疑畏
日深是挑之使鬪而增吾多事也愚謂國亨有罪而不
可輕言叛逆安智當有安置而不可省居時彼中號令
未明國亨疑畏不肯赴理聲言撫臣以勸誘我殺我乃
擁兵自衛于是撫臣上疏請兵糧爲征勦計公曰嘻誤
矣國亨不出者疑畏深也處以叛逆彼將叛逆自爲也
彼夷酋耳族滅何爲時在閹恩之旋牀而走同官者曰

公

卽此一事

有功生民

多矣

公何旋牀走。公曰。思貴州事耳。從之。則非計。無從則失威。今撫臣疏請征勦。而國亨亦奏辯。吾意兩行之。而以一科臣往勘。彼聞勘官且至。以身旣在勘。當不敢殺我。我出聽理。乃可以自明。而乃治其本罪。亂或可戢也。胥曰。善。公召職方郎中至。授意。遂得請。而以科臣賈三近往。公復面授方略。乃國亨聞科臣且來。果喜曰。吾生矣。吾豈叛逆者哉。語達京師。先是阮約以五事而國亨母子狐疑不出。至是乃將漢夷犯人王寬。吳瓊。阿第輩獻出。而母子出就理。輸銀四萬一千有奇。抵罪。蓋科臣未至而事已定矣。故黔國公沐朝弼旣謝事。請入南京赴

葬撫按奏曰沐昌祚政事清明以致歲豐朝弼逼走昌祚不知所往請將朝弼錮南京毋令回鎮兵部來問計公曰誤矣雲南守巡故以挫沐爲丰采今又其故智耳領鎮之人衆所寓目而謂不知所往昌祚孺子耳安能感動天地朝弼安能爲惡如有罪朝廷以檻車逮之如之何其賺之令歸耳後數日昌祚奏至請還其父且言撫按所奏誣也廷臣益信公神明有如撫按言則今何以處北虜俺答孫把漢那吉來降邊報至中朝人心洶洶罔知所措公曰是奚足懼顧老酋其孫耳繼報者至曰酋婦甚愛其孫而老酋甚懼其婦泣欲得孫耳公

曰虜敢擁兵來索吾必殺之令退去虜果退去公請加
那吉指揮使賚以章服又語邊臣令盛其騶從騎馬街
行使衆見之老酋初意中國殺之也乃聞不殺又加以
官又美衣食騎馬街行大過望而又知不可得于是公
請下令獻我叛人趙全等以贖其孫奄酋果以計招全
等全等皆中國人而爲虜用居板井領衆數萬所居左
曰鳳閣右曰蟾宮門曰宣化牆屋皆繪龍鳳往歲破城
殺吏皆其爲也世皇懸重賞購之得其一爵通侯然
竟不可得公乃請許那吉歸又令邊臣以緋袍金帶鶴
蓋鼓吹送之又宣諭俺答曰那吉是我中國臣若善視

之。老酋夫婦既喜得孫，而又見其榮寵，南向取胡帽叩首呼萬歲而封貢事之議起矣。先生親詣射所而質全等。全果驍鷲異常，次李自馨者諸生也。凡數十言不能了者，全一言而畢。先生因問虜今歲不入故。全曰：虜豈能不畏死哉？倘是處有兵，是處有糧，人有鬪志，不敢入耳。遂收獄盡磔于市。全等顧其屬九人曰：吾屬被擒邊事寧矣。至封貢事，虜哀求日懇，而中朝疑畏日深，盈庭之議有如鼎沸。動以宋人講和爲辭。公曰：天下之事，以已求人，機在人；以人求已，機在已。宋人求和于虜，機在虜；故曰講和。今虜求貢于我，機在我。直許之而已。彼驍鷲

者豈爲國籌利害哉徒念重大恐有不效留爲後言耳
乃請封俺答爲順義王其餘都督指揮千百戶有差而
套虜吉能等亦請願如例而三邊總督難之公擬 旨
切責復貽之書三邊宣大似難異同異同則宣大之市
方開而三邊之擾如故豈無俺答之人稱吉能而擾三
邊者乎亦豈無吉能之人稱俺答而市宣大者乎是宣
大有市而又擾也三邊苦擾而實市也同則兩利異則
兩壞總督者議始協于是俺答進馬謝 恩吉能亦附
焉而西北沿邊一帶民狎其野穡人成功雖深夜獨行
無誰何者矣于是公上疏曰嘉靖十九年北虜遣使求

姪相公

妙在此惜
後人之
廢故事耳

貢。不過貪賞賚。與互市之利耳。邊吏倉卒。不知所策。當
事之臣。憚于主計。直却其請。斬使絕之。以致黠虜怨憤。
擁衆大舉。此往歲失計之明驗也。今天祐國家。請貢稱
藩。可以息境土之蹂踐。可以免生靈之荼毒。可以省內
帑之供億。可以停士馬之調遣。乘此闕暇。修我邊備。若
見寧息。遂爾偷安。則從此邊備寢弛。卒然有變。將何以
應。是臣等謀國之忠。反成誤國之罪矣。請每歲特遣才
望大臣。四出閱視。以今視昔。錢穀贏幾。何兵馬增幾。何
器械整幾。何其他屯田鹽法。以及諸事。拓廣幾何。果有
成績。論武功爵。若襲故常。罪如失機。上嘉納之。蓋今

三十餘年而疆圉晏如也。虜旣貪我財物，虜中婦女亦貪我繒帛，惟恐罷市，我得伸縮而制之。諸所爲貢市費者，卽取諸曩日幕府出征之費，不及半耳。虜得我金錢，非盡携以歸也。我之羣商又因而爲利，而我數十年所全百萬之命，所省百萬之費，可按籍而求，屈指而論也。蓋漢人五餌之策，公實用之矣。穆皇久不出，欽天監卜吉且視朝，鐘鼓嚴傳，宣閣下急，公疾趨而至，則穆皇已立于墀矣。執公手，北行至乾清宮，公不敢入。穆皇顧曰：送我公承旨，直至乾清宮。上御榻坐，手猶未釋也。有旨：高閣老夜宿乾清宮門外，公謂張公：吾

二人一去一留。是示人重輕也。吾爲公奏得旨。二閣臣皆在乾清宮門外。薄暮又奏曰。禁地非人臣所宜宿。願宿闕門。陛下有召。可頃刻而至。上可之。百官出。十八日。御體漸復。公具疏請。上懲忿寡慾。覽奏甚喜。越二日。聖恙復劇。公流涕無已。四月二十四日申刻。宣內閣受顧命。司禮監以二札一授皇太子。一授公。蓋遺詔也。公泣奏曰。受陛下厚恩。誓以死報。奏畢大哭。兩宮亦大哭。二內臣挾公長號以出。今上登極。公上言五事。一謂御門聽政。王音親答以見政。令出自王上。二謂題奏繁文。難以遍閱。自有節要。請

先籤出以便省覽三謂事必面奏乃得盡情四謂大小
章奏俱發內閣看詳若或未經發擬徑自內批者容臣
等執奏五謂官民章疏當行當止未有留中之理得
旨報可而同事者遂以此用間翌日有旨逐公公自
乘驪車去道傍之人有流涕者公歸杜門謝客口不言
時事未幾而有王大臣之獄柄人將借以殺公已差五
校往新鄭有所逮會廷鞫之日白日晝暝廼大臣瞪目
仰面備極拷略竟不識所謂高公次日殺王大臣而公
獲免不敢復見一人矣公素好讀書作問辨錄十卷春
秋正青一卷本語六卷邊畧五卷綸扉外藁四卷掌銓

題稿三十四卷南宮奏牘四卷政府書答四卷綸扉集
一卷程士集四卷外制卷二卷日進直講十卷獻忱集
四卷萬曆六年卒于家祭葬止半給又二十餘年值建
儲大典嗣子務觀具疏上有 旨高某擔當受降北虜
稱臣功不可泯贈太師謚文襄廕一子尚寶司丞三十
年不白之冤至今雪矣公生于正德七年壬申卒于萬
曆六年凡得年六十七歲受室中牟張氏累封一品夫
人無出嗣子務觀尚寶司司丞諸子務本務滋俱錦衣
衛官生務實武英殿中書務觀六子杠楨楠槿榆椿

論

讀于頔傳

徐應雷

作史以暢
唐人難矣
貳

吾讀新舊兩唐書于頔傳此酷吏之不臣者也。比閔雲溪友議盛稱于襄陽曰。歷觀國相。挺特英雄。未有如襄陽公者也。嘗返崔郊秀才之姑婢。或豈使君之歌姬。至于損四十萬錢。帷幌奩匣。繒帛之費。不足道已。鄭太穆刺史致書傲睨。無郡吏之禮。索錢一千貫。絹一千匹。器物一千事。米一千石。奴婢各十人。于公覽書不誅。各依來數與之半。符載山人遣童子齎書乞買山錢百萬。公遂與之。仍加紙墨衣服等。此數事。本屬賢豪。而本傳謂

其暴橫已甚。王彥威論其殺戮不辜、誅求無度、此不足怪也。貪財者亦能散財、好色者亦能割愛、殺人者亦能憐才、此猛忍之豪舉、驚悍之大度也。天下惟庸人必不能爲善而能爲惡、而非有勢力、則亦不能爲惡。惟庸人必不能豪舉而能生事、而一旦有事、則束手不知所爲。故庸人無纖毫之善、而或盜長者之名、庸人飽煖以終身、則亦無兇惡不仁之事。潛夫論有云、竊位之人、踈骨鯁而親便辟、薄知友而親狗馬、寧見朽貫千萬而不忍賜人一錢、寧積粟腐倉而不忍貸人一斗。此庸人也。何足以辱康節先生之指訐邪。于襄陽橋橋非庸人也。則

本傳所載未必非實錄而雲溪友議未必虛美瑕瑜不相掩可也然兩唐書具書其惡而併沒其善俾襄陽之豪泯泯焉而卒無以惕庸人甚矣作史之難也

文士

夫一世皆意不可一世吾不知誰可一世者一世誰可者哉蓋意不可一世者一世皆然文士爲甚顏介曰一事愜當一句清巧神厲九霄志凌千載自吟自賞不覺更有傍人斯小才而氣浮者也彼得意則客氣橫溢不得意則怨天尤人得意而無厭則亦怨天尤人故常意不可一世其志不在高山流水本非伯牙也而謂一世

無子期。其聽不能察。峩峩決決。本非子期也。而謂一世
無伯牙才。如禰正平。必不待孔北海以顯。彼非禰正平
也。而謂一世無大兒。孔文舉小兒。楊德祖夫。世無孔文
舉。楊德祖何與吾事也。甚矣文士之急知已也。獨不聞
老子曰。知我者希。則我貴矣。張仲蔚博物善屬文。所處
蓬蒿沒人。時人莫識。唯劉龔知之而已。楊子雲草太玄。
衆人不好也。獨桓譚以爲絕倫。夫以一世之大。而并無
劉龔。則仲蔚益尊矣。并無桓譚。則子雲益貴矣。彼不求
可知。而急求人知。惟求知愈急。而人愈不知。則意不可
一世之無知已。古人抱獨知之契。以俟知已于後世。楊

林君復自
知詩不工
非辭名也

子雲之草太玄蓋後世有楊子雲必好之也師曠之欲
調鍾謂後世有知音者也彼急于求知者惡能待後世
哉且後世無知音者而師曠之聰無窮也後世無復楊
子雲而子雲之玄不朽也張季鷹曰使我有身後名不
如卽時一杯酒林君復詩就藁輒弃之曰吾且不欲以
詩名一時况後世乎是故雖遯世不見知有以自娛而
何以後世爲而又何以一世爲哉且卽欲求天下後世
之名乎陶隱居讀書萬餘卷一事不知以爲深耻顧惜
光景老而彌篤文士知此何敢意不可一世且卽無一
書不讀無一事不知乎宗杲曰讀書少無明少讀書多

無明多。又曰。官小人我小。官大人我大。則才大者人我
尤大。然則有大才讀書多。而意不可一世者。其無明多。
而人我大耶。鴻烈曰。不小學不大迷。不小慧不大愚。夫
未聞道而博學者。猶小學也。安得不大迷。不能行而多
文者。猶小慧也。安得不大愚。然則有博學多文。而意不
可一世者。其大迷大愚耶。凡意不可一世者。固一世之
所不可也。而何以不可一世哉。是故吾意滿可一世。而
亦意不可一世之意。不可一世者也。然則文士有以文
章蓋一世者。則何以視一世。曰。以文章蓋一世者。必不
以文章爲事。不以文章爲事者。必不以文章意不可一。

不可一世
世自不可
非不可之
也

世也。南華以世外不可世間、靈均以獨清不可一世之
皆濁、陶元亮以無慾不可一世之多慾、子長太白子瞻
以超士不可一世之齷齪、數君子皆出世者也、其意所
不可以維世、曾何文章蓋世之足云。

名士

所謂名士者、非姓名流傳人人皆知其名之謂也、蓋有
天下萬世皆知其名、不名名士、夫伯夷叔齊之與齊景
公也、一則民到于今稱之、一則民無得而稱焉、然天下
萬世亦莫不知有齊景公者、豈可謂伯夷叔齊名士而
齊景公亦名士乎、司馬君實之賢也、兒童誦君實、走卒

知司馬豈非天下之重名哉然同時公卿大臣其勢力之盛亦能使兒童走卒皆知其名豈可謂皆天下之重名乎博學能文章者或幾與名士齊名而不名名士庸惡詩文偶然流傳人間者不可謂不朽之業推此以類天下萬世皆知其名而名名士者甚鮮也彼徒以科策仕宦爲成名以交游徧海內冠蓋車馬充其門者爲名士何也吾獨有感于古之名名士者袁侍中謂韓康伯門庭蕭寂居然有名士風流袁粲每經傳昭戶歎曰經其門寂若無聲披其室其人斯在豈非名賢夫名下豈有閒人而曰門庭蕭寂曰寂若無聲無乃不知名者也

則古之名名士、非若今之名名士邪、王孝伯言名士不
必奇、不但使常得無事、痛飲酒、熟讀離騷、便可稱名士、
夫痛飲酒、何關于名、而常得無事、又無乃不知名者也、
且人知飲酒、讀騷之名名士、而不知常得無事之名名
士、甚矣其不達于孝伯之旨之輕重也、王太尉問眉子
汝叔名士、何以不相推重、眉子曰、何有名士終日妄語、
夫名下應接、勢必終日妄語、而何以謂終日妄語、非名
士也、王濟輕其癡叔、湛所食方丈、不以及湛、湛取菜蔬
對食、晚與談易、始知之、歎曰、家有名士、三十年而不知
濟之罪也、夫三十年不能使從子知、而何以驟名名士、

也。崔瞻在御史臺獨食，備盡珍羞。有御史姓裴者，伺瞻食，造之。瞻不與交言，亦不命匕箸。明日裴自携匕箸就食。瞻謂裴曰：昔劉毅在京口，冒請醵炙，豈謂是耶？君定名士，此何以名名士？吾以爲客自携匕箸，就主人食者名士；而主人不命匕箸，亦名士也。御史自携匕箸，就御史食者名士；而癡叔取菜蔬對從子方丈食者，亦名士也。其傲然不屑一也。由此觀之，所謂名士者，必非姓名流傳人人皆知其名之謂也。然則士有五十無聞，沒世不稱者，亦可謂名士乎？曰：不可。吾嘗覽故太史陶氏所撰題名記，推夫子聞達之旨，以論士曰：達者爲士，聞者

非士、聞猶非士、况泯焉無聞者哉、吾嘗太息以爲名言、
今不特在家在邦之聞、乃至天下萬世皆知其名、則
不名名士、而况于五十無聞、沒世不稱者哉、且今人謂
五十無聞、沒世不稱者、與草木同腐、吾嘗笑之、夫草之
萋萋、木之欣欣、令人欣賞悅翫無已、彼五十無聞者、必
不如草之萋萋也、沒世不稱者、必不如木之欣欣也、此
草木之不如、而謂與草木同腐、則不可、彼其中豈有名
士乎、然而五十無聞、沒世不稱者、或能使人人皆知其
名、未有名士而不名者也、故一鄉一國皆知其名、不名
名士、而一鄉一國之名士、必有一鄉一國之令名、天下

皆知其名、不名名士、而天下之名士、必有天下絕盛之
名、萬世皆知其名、不名名士、而萬世之名士、必有萬世
無窮之名、蓋姓名流傳、至天下萬世、皆知其名者、僅知
其姓名而已、初非令名與絕盛之名、無窮之名也、惟名
士必有令名與絕盛之名、無窮之名、苟非有令名與絕
盛之名、無窮之名、不名名士、而所以名名士、又非令名
與絕盛之名、無窮之名之謂也、何以故名士之名、非名
譽之名也、名卽是實、不與實對、苟有其實、斯曰名士、猶
曰名教、名理、名言、云爾、炳若日月之謂名教、通乎神明
之謂名理、至當不易之謂名言、超然不凡之謂名士、

鄉原

聖人之視鄉原何卑、而後世之視鄉原何尊也、聖人惡鄉原之亂德也、名其爲賊、絕之也、然僅一鄉之原人而已乎、不已卑乎、乃世之論鄉原者、穿鑿支離、其視鄉原、若鬼神之不可測識也、若老氏之猶龍也、甚者真以爲仁人長者、甚者目之曰神姦、曰大慝、皆尊鄉原者也、非絕鄉原者也、是故昔人誤以鄉原爲有德、今人又誤以盛德爲鄉原、夫盛德之至者、天下之望也、道大天下莫容、而能容天下、天下疑勢尊、天下蔑以加、乃竟蔑所加于天下、而天下憚、天下疑且憚盛德、而徒以鄉原之似

盛德也亦疑且憚鄉原于是以擬議盛德者擬議鄉原以爲仁人長者以爲猶龍以爲鬼神不已尊乎然則鄉原有稱于天下曰盛德者乎盛德負天下萬世之重望者抑亦有一鄉之原人乎噫盛德不若是之賡而鄉原不若是之深也夫所謂一鄉之原人者固錄錄庸人也而孔子以爲德之賊者蓋猶色厲內荏之徒穿窬之盜也未必竊國亂天下之大盜也今論者曰鄉原具聖人之局面似聖人而太逼真聖人矜細行鄉原亦矜細行聖人慎其獨鄉原亦慎其獨聖人無間然鄉原更無間然直其心術之微渾是欺世盜名世人莫得而窺焉苟

非聖人之大智、無以燭其神奸、詰其大慝、噫此誅心之
論精矣、然自古及今、鄉原有如此者何人也、謂鄉原太
逼真聖人、是從古無鄉原也、果鄉原廣庭暗室舉動纖
悉無非聖人也者、而能匿其不良不肖之心、沒世而人
莫窺焉、此天下必無之理、何者、方寸之地、人神之所共
瞰也、今以鄉原爲神奸大慝、亂聖人之真、是猶謂綠林
曰新莽室、謂黃巾曰魏王操、是亦尊之云爾、則柰何不
置之絕之、吾以爲論鄉原者、正不必深求之也、夫孔子
惡莠、恐其亂苗也、而莠之不能亂苗、不待神農后稷而
辨已、惡鄭聲、恐其亂樂也、而鄭聲之不能亂雅樂、不待

師曠而辨已惡紫恐其亂朱也而紫之不能亂朱不待
離婁而辨已由是觀之佞之不能亂義利口之不能亂
信鄉原之不能亂德亦不待堯舜孔孟而辨已故論鄉
原者正不必探其心術也直視其出處進退辭受取與
至粗至淺之迹而已何者人藏其心不可測度誅心之
論若畫神鬼之可以欺人雖巫覡可欺也而况不信鬼
神者乎直據其出處進退辭受取與至粗至淺之迹若
畫狗馬之不可以欺人雖童子不可欺也而况屠與騶
乎故出處進退辭受取與之悉當者聖人大賢也中
行也非鄉原也當出而深處當進而勇退當受而固辭

當取而不取、非狂卽狷也、非鄉原也、義必不可出而出、
必不可進而進、必不可受而受、必不可取而取、此至無
恥也、非鄉原也、以不出出、以難進進、以不受受、以不取
取、此大奸慝也、非鄉原也、孟子曰、閹然媚于世者是鄉
原也、鄉原直媚世而已、義必不可出、必不可進、而舉世
皆出皆進、則鄉原有出而無處、有進而無退、義必不可
受、必不可取、而舉世皆受皆取、則鄉原有受而不知辭、有
取而不知與、若果出處進退辭受取與之悉當、則必矯
世而違衆、是犯世人之所甚疾也、而何以媚世、且果出
處進退辭受取與之悉當、終其身無敗闕焉、則固大有

造于世教也。而何以曰德之賊。若曰其迹雖是其心不然。吾誅其心焉。曰此德之賊也。以按出處進退。辭受取與之。悉當者之罪。是趙禹之深文酷也。簡雍之擬淫戲也。豈聖人所以衛道乎。然而出處進退。辭受取與之不當。則何以非之。無舉刺之無刺也。夫不曰居之以忠信。而曰似忠信。則不忠信也。不曰行之以廉潔。而曰似廉潔。則不廉潔也。不忠信不廉潔。則固已非之。可舉刺之。可刺矣。而曰非之無舉刺之無刺。此謂庸人視鄉原也。非聖人視鄉原也。聖人視鄉原。種種可非。可刺。不忠信不廉潔。就中黠者是欺世盜名者也。欺世者必有所利。

于世也苟無所利于世則無以欺世爲也盜名者必有
所利于名也苟無所利于名則無以盜名爲也苟出處
進退辭受取與之適當則何所利于欺世何所利于盜
名而黠者乃沾沾欺世盜名爲哉雖然出處進退辭受
取與之不當是敗名喪檢也初不似德旣不似德亦不
亂德而又何以曰德之賊也曰惟其衆皆悅之也衆烏
乎知出處進退辭受取與之當不當也衆烏乎知敗名
喪檢之似德也悅之則見德憚之則不見德狂者高明
峻而不可卽狷者耿介堅而不可入衆皆憚之狂者峻
以肆妄人託焉似焉而非也狷者堅而隘腐儒託焉似

焉而非也。中行之士。視狂加峻。而即之也溫。視狷倍堅。而入之也無苦。賢者悅之。衆憚之。半悅之。半其至矣乎。民鮮久矣。于是鄉原託焉。似焉而非也。鄉原慙于妄人。黠于腐儒。不俟人即之。而常即人也。不俟人入之。而欲入人也。無論同流合汙。滔滔靡靡。蓋有巖巖居鄉。而非標準也。有侃侃立朝。而非氣節也。其大節本無以異于庸衆人。天下多庸衆人。而聖人不世出。聖人所非而衆莫非之也。聖人所刺而衆莫刺之也。見以爲不露圭角。與物無競。皆以爲中道。皆以爲厚德。衆皆悅之。衆皆效之。蓋鄉原之託于中行。較妄人之託于狂腐。儒之託于

猶甚焉豈不至于亂德也哉豈非德之賊也哉而吾人
謂之大盜者何也莠之似苗也始生也不與苗並秀並
實紫之亂朱也望之也卽之不孔揚不以爲公子裳鄉
原之亂德一時之眩惑也其是非真贗不久自定將欺
世乎世必不可欺將盜名乎名必不可盜吾謂大盜可
以竊國亂天下而鄉原終不能亂德鄉原可以爲竊國
亂天下之大盜而必不能爲亂德之人盜豈惟鄉原哉
世有神姦世有大慝吾直視其出處進退辭受取與至
粗至淺之迹而已彼惡能自匿然則天下無亂德之大
盜也吾故曰論鄉原者正不必深求之也于是聞之者

或曰徐子之寬也淺之乎其論鄉原也鄉原得以減等
或曰徐子之覈也惟淺之乎其論鄉原也鄉原于何遁
情哉

明文奇賞卷之四十

史官陳仁錫明卿甫評選

評

春秋大夫評

宋宗道

春秋大夫更有遺佚者不止此也或亦有三代人物在其中

夫論人於三代以降也則難哉自壁經所紀外載在國乘其人豈無彪炳來茲而芬潤齒頰者然而盈尺之璆方寸之瑕則全材難初駕如組再試多蹶則末路難長於室穴短於衡城則大用難鳳翼其外螻蟻其中則純白難夫置雌黃於三代以降也則難哉吾無暇更僕論論較著者若管氏之九合一匡晏子之順命衡命趙衰

狐偃從公子而伯西晉、先軫之克敵城濮、孟明之取勝、
焚舟、士燮之憂先內寧、趙武之不頓兵甲、絳也和戎、向
也憂國、敖也謀楚、奚也顯秦、夫國家重善謀之臣、則安
舍此數大夫也、季友助勦于魯、僖審武數寧于衛、成、華
元折衝於宋祖、大國家重戡亂之臣、則安舍此數大夫
也、蹇叔止襲鄭之旅、子華陳所招之詩、史魚尸諫以悟
主、蓋皆有古弼遺風焉、鮑叔舉仲、子皮舉僑、公叔舉僕、
蓋皆有古相賢風焉、若乃目夷以宋讓、子臧以曹讓、季
札以吳讓、倘所謂輕國如屣者邪、蓋廉靜士也已、孔父
以宋督死、仇牧以南宮死、荀息以里克死、倘所謂甘饒

如飴者邪。蓋仗節士也已。若乃下惠之治亂並進。伯玉之卷舒緣時。士會無隱情于中國。又非世所稱貞良士者哉。是數大夫者。固皆推揀朝家。照映丹青。而深詰其生平。多瑜焉而不掩其瑕也。如駿馬而不勝其蹶也。才馬或窒于大用也。駁馬或戾於純白也。故置雌黃于三代以降難也。然予竊謂較用於國家者。先功勲。定品於一人者。先操行。夫論功而有雄于尊天王。擯戎裔。不軟血而來諸侯於掌股上者乎。論心而有純于不差汙君。不怨遺佚三公。勿奪其介者乎。是以論功則宜首管氏。而狐趙爲次。教百里奚輩又次之。論心則宜首展禽而

僑瑗札次之、士曾士燮等又次之、蓋摠列國大夫、則予
所揚挖者優、而就予所揚挖諸人、則管氏展禽尤優、而
器小貽議、不恭興請、則其它又可知矣、故求不寤於木
無詭於心、表裏兼醇、華實總粹、是在三代盛際也、難論
于春秋矣、予因曰、置雖黃于三代以降、則難也、

策

詩騷 癸卯第五問

陶望齡

執事策士至終篇、慨然詢騷雅之同異、羣怨之可否、若
求士於詩賦家之流、此非士所習也、雖然、愚有以知執
事之不出於此也、亡亦懷之以忠、勸之以義、教之爲子
臣朋友者乎、則愚固有概而願亟談之矣、絃之促者無
懦音、歌之勞者無緩調、言激切之說於處豐鳴豫之日、
愚又恐言之拂於時而重獲罪也、雖然、嘗聞諸易矣、易
之陽長而極於盛、陰消而幾至隕滅者、莫如夫、當其時
五陽協力、以決垂亡未退之一陰、諸君子者、宜可談笑

而圖之矣、今觀其象爻之詞、一曰孚號、再曰惕號、其羣之未合而叫呼以求之也、若戎至而不可以久也、及其羣合其交乎、則又曰、不利卽戎、蓋天下有難猝犯之機、而無不可靜圖之事、惟厚集其交、而後得以徐乘其便、故易於君子之合、每致意焉、彼言朋泰、言彙至、壯則憂之、喪而深危之矣、人情於始交、未有不固者也、逮積安成疎、耦俱生軋、其陵蜀洛之囂、每動於羣賢極盛之時、不知君子之有彙也、猶小人之有隣也、連茹之勢不在我、則彼鄰者翩翩然來矣、易戒軋也、故曰孚戒疎也、故曰惕、而總之曰號、易所謂號、殆詩所謂怨、叫呼而懼、靡

應也。故用號疾呼而猶患弗聞也。故類怨。怨者慕君憂國忠誠懇怛之極思而號者意召聲求同寅協恭之要術。匪號無以明怨。匪怨無以致號。由此言之。固非盛時之所宜諱也。孔子曰。詩可以興。可以觀。可以羣。可以怨。邇之事父。遠之事君。使怨而非所以事君。事父。則孔子固宜三言止矣。人固疑小弁之爲小人也。而併疑旻天父母之號之不宜出於聖人也。故孟子解之曰。舜之怨也是慕也。所謂孝也。令小弁而不怨則疏也。所謂不孝也。人有身則有父母。食土之毛則有君。誰非父母之子。君之臣與。而忍居其疏哉。疏之而不可也。則慕慕之而

不疏其君
非乎號不

不能置也。則必不幸而似於怨。由此言之。又非臣子所宜諱也。明矣。顧獨有不可之辨耳。愚始固嘗讀詩而疑焉。於風曰。斯仁人長者之意乎。於雅頌曰。斯盛世之聲乎。及南山以降。而莫爲之解也。閭閻而虺蜴也。絕交而鬼蜮也。惡讒而投豺虎也。不已甚邪。斯固夫子所謂可以怨。而淮南所云。怨誹不亂者也。茲言也。幾於亂矣。而可怨者果何在乎。及反覆其篇章。紬繹其指趣。而恍然歎曰。詩人之用心至是哉。人之言固。有盛色疾詞。而意終長厚者。有囁嚅於唇吻。而輕薄猥險之態已畢具者。稱詩以溫厚和平。稱其意耳。而詎直文詞之間乎。君

易惕號呼
右何門戶
何解

之於我天也其譴我也敬其以受之而已誠信以奉之
而已不幸而有旱乾薄蝕之變有翦爪藉茅跽拜馳走
以請命而已可若何邪獨計枯槁之勤膏火之耀人力
固有可施而吾之職亦豈易盡哉苟衆併力而人效能
則一燈一溉之微蓋猶足以逢年而待旦也吾觀詩人
之情其求諸上者甚宛而求諸已者甚棘惓惓焉不能
得之於君而庶幾得之於朋友故人美而我獨瘁人驕
而我獨勞曰我維不敢傲我友自逸耳其志苦矣而又
呼其友而遍告之曰凡百君子各敬爾身乎曰嗟爾君
子無恒安處乎蓋懼之以天邀之以神而維恐其不見

聽焉於戲何其溫厚之至與天下同室也君臣僚友之屬同舟也托君親焉於撓棟之下漏舟之上漂搖之以風雨掀簸之敗波濤而爲臣子者靡動於慮而怛於色也則必攘臂被髮奔走而拯之而又必徧號其同舟同室之人焉誠以壓溺之禍非一手足所能爲而衆亦均有責耳夫人固亦有謂我何求者矣而我能中已哉進不獲於君而不敢懟退不獲於朋友而不能中已於戲又何其和平之至與繼雅而作者莫善於離騷屈子者則誠忠矣吾獨怪其誠於事君而不善於處友故可與語怨而未可與語羣彼其自命以申椒而糞壤乎斯世

舉通國之人無足與謀有從彭咸以居而已大既不善於羣而又烏在其能怨哉然則淮南之以騷並雅也所謂似之而非者也雖然屈子者則誠忠矣忠愛忠也忠憤亦忠也屈子者知愛其君而猶出之以憤憤焉夫君可憤耶藉曰吾以憤世夫世之人所與共事吾君者也舍斯人誰與偕而又可憤乎古人之於其僚友亦既郅矣猶冀其還而過我也既聽之囂囂矣猶願其弗以爲笑也自處於芻蕘之賤而望人以箴壘之和委蛇繾綣以縫合而匡持之凡以圖濟國事而忠於君上耳屈子顧不勝其謠詠之憾侘傺之悲必絕類離羣而後快乎

夫亦所以慕其君者、猶未至而謀其宗國者、猶未周耶、
吾故曰、屈子之不善爲羣、乃其不善爲怨也、雖然、亦異
乎爲臣子而疏其君父者矣、王政之衰也、俗流失而人
心媮、其智者固已歎牡瞻烏、若禍至之不旋踵、而其爲
士君子者、方治比於姻鄰、恣遲息、偃於其居室、娛嬉屑
越、幾旦夕之無事、視其君汎然若浮梗、而惟其所屈玩、
其國事、若異域之豐歉、鄰家之肥瘠、而無相戚媮、此無
他、疏之也、夫爲人臣而疏其君、獨何心哉、澤之涸也、農
夫憂其秋穫、而鶉胡以爲利也、玄陰嚮晦、貧女憂其夜
績、而蟲蚋以爲時也、士君子之相恬相狃于一朝也、若

以爲飲食燕處之故無甚妨于公家而不知玩久不振
渙久不屬必有乘其時利起而紛之者其甚也將同室
之鬪交關於敗壞撓棟之時而同舟之敵猝起於奔浪
衝颶之會爭之以爲私怨裂之以爲小羣而天下事遂
以速壞故詩人刺之曰民之無良相惡一方又曰仇仇
彼有屋蔌蔌方有穀蓋傷之也夫酒殺偃息向謂日用
細娛者而安知釀天下之大亂至是哉故人臣而願忠
於君則必效迺以事樂盡其職則必求助於僚友不敬
事而云廟上非也不信於朋友而不獲上尤非也人情
之樂於媿而安於惰也久矣當其世宜有賢者鼓動之

以神而率作之以氣若建鼓之破寐而疾雷之震聵然
故其法用號此易所以決去小人而持盈保泰之要道
也然非其忠誠懇恤憂國奉公之至者不足以語於此
蓋有真慕而後有似怨有似怨而後有孚號有孚號則
天下之大羣合而國事濟矣若不敢於怨而忍於疏此
易所謂裕蠱者也愚竊爲當世憂之也

記

新建金州海防廳公署記

陶望齡

通大中虞
其倭益

之困矣

國家緣海列屯戍以制夷寇軍府甚設其要郡率蒞以
文吏特峻其職故二千石以下莫貴於丞而往往司海
防其權得以臧否將校歛張戎機譏奸調食兀然若監
司然遼左亦海國也而東引穢貊爲扞蔽故倭備稍緩
當永樂時倭掠望海埭都督江某禦之殲焉相戒不復
犯遼而遼故亟虜益緩倭萬曆間倭入朝鮮使來告急
於是王師出援再渡鴨綠江盡敵而還所以鋤逆獎
順興滅存亡威德甚盛而士馬物力憊焉遼始患倭矣

倭既焚巢遠遁

天威震疊喙息不暇朝鮮人忭餘醖

數數來言賊狀當事者慮賊狙狡其來去爲飄風未可

弛備且古者天子有道守在四夷未聞爲裔夷戍也遠

戍非計玩之則啟寇召殃此在疆吏謹守境據要害而

已賊舟入朝鮮浮江揚颿而出我四鎮靡不兵者警毒

入口則潰腸蝟螫手足則攻心故治螫者急繫其肢而

禦毒者先防於口登萊金復之時於海若鬪者舒兩臂

以扞身也島嶼絡繹若陳臬以限出入也合勢比力交

鉞夾戟而承之賊卽至宜不能入歲丁酉以大吏議設

遠不可不
聖復以此

游擊將軍將千五百人屯旅順口癸卯鎮臣復言諸並

海郡皆有海防文吏用以廉察奸慝制馭武悍今旅順
口置戍將無海防官無以肅軍伍左籌策宜如它郡例
建設同知一員治金州係銜濟南詔可於是西臯王
公以材望受命以來創樹伊始廨宇未備爰出公帑
銀四百兩市民宅據衢道之會因故飭新廳事門廡職
房賓館寢庖之屬楹六十有奇旬月告竣王公以使來
請紀其事余惟遼於京師肩髀也遼強則髀厚自山海
而外屬諸廣寧驛道僅縷綫虜出沒抄掠烽埃時舉有
饋饌賓旅之虞而連卒亡人不能劬關者輒由海遶跳
之青齊夜發晝至是遼無負海之利而有其害也國

已遠則燕
齊皆震

初時轉粟汎海、歲七十萬石、由登萊以達於遼、士飽馬
騰、事逸而利倍、鼉、鷗、沙、門、半、洋、諸、山、浮、溟、渤、而、渡、以、接、
旅、順、舟、衝、其、間、若、傍、涯、岸、蓋、遼、疎、於、燕、而、昵、邇、齊、遼、之、
不、能、遠、齊、爲、強、此、必、然、之、勢、也、遼、齊、爲、輔、車、飭、屯、戍、治、
餘、艚、合、艚、會、哨、聲、生、勢、長、徼、察、精、嚴、奸、人、裹、足、資、糧、流、
灌、審、若、內、地、收、海、之、利、而、去、其、害、於、平、時、猶、賴、之、况、震、
隣、之、日、云、乎、哉、予、又、聞、遼、地、凋、耗、單、貧、甚、矣、金、復、差、遠、
虜、土、浹、人、饒、不、幸、遐、僻、無、孔、邇、之、怙、民、望、守、令、如、孱、子、
之、於、慈、親、朝廷、將、俾、公、振、卹、而、生、全、之、爲、斯、民、保、障、
也、式、於、政、不、式、於、武、張、弛、緩、急、之、道、登、堂、而、致、行、之、退、

食而精思之、固囿於無形、銷難於未兆、吾竊於居者望焉、區區島寇疥癬也、厚植其本而圖之可也、

歇菴記

酣中閣之前、隙地從丈許、繚垣爲門庭之東西、各覆土壇焉、謀以蒔花草、久之始得木芍藥數本、列植之、溉之失節復稿、遂爲空壇矣、閣下左偏一室、曰歇菴、奉親之暇、退輒憇息、故稱菴曰歇也、噫嘻、士君子所驚於世而不可止者、豈非以其志與力哉、若余之羸憊迂愚、卽有志甚強、而才與力交繫之、每自惟不足於物、無益世、用以爲嗟悼、然蹇蹄願息、弱翰念棲、栖息之後、仰視駿馳

要用

鵬徙覆以爲勞矣。蓋人情窮則反本。夫安知所謂不足者之非予幸也。無聾盲之苦。無饑寒之慮。食息視聽無不如人。而又過焉。而營營不止。非惑也。與庵中二榻一几。蕉團一。便釋書數卷。讀書宴坐。視其勤懶。寢處于然甚樂也。嗟乎。向使予不幸。力豐而氣盛。材贍而志長。亦且追逐其嗜好。竭蹶奔奏於物役。之不暇。何暇去而從事於寂寥枯淡之道哉。雖然。有營一也。安知余今所從事。非惑之尤乎。夫彼之營營。以適此之營營。然且以爲有是非焉。得失焉。惑不滋厚也。與事固有倒行逆施而後獲者。故勤之所以息也。作之所以止也。若予真所

謂情者、使予於斯道勤之不息、作之不止、其必有廢然
而止息者矣、名菴所以志也、

遊洞庭山記

予游白雁
得記五百

卷三

歲乙未予再以前告歸、道金閘、友人袁中郎爲吳令、飲中

篇後不右
先生之簡

語及後會、時方食橘、曰予、埃此熟、當來遊洞庭、明年

秋中、中郎書再至、申前約、而小園中橙橘亦漸黃綠矣、

遂以九月之望、發山陰、弟君奭、侄爾質、曹生伯通、武林

僧真鑑皆從、丁巳抵蘇、止開元寺、中郎方臥疾新愈、談

於榻之右者三日、壬戌始渡胥口、絕湖八十里、登西山、

宿包山寺、癸亥步遊毛公壇、林屋山、昇至天王寺、宿甲

子取徑西小湖、登縹緲峰下、宿上真宮。乙丑、遊大小龍山、以小舟橫兩灣而渡、遂躋石公、回宿包山。謀以次日往遊東山以歸、丙寅東北風大作、明日雨、又明日大霧、欲去不可、霧稍霽、輿而行湖濱、去湖咫尺、不能辨湖水、循大明灣始見日、遂至消夏、時忻州守蔡公使人餉之、包山餉者道遇、遂入謁、飲馬、宿其弟主舍齋中、明日登飛仙、泛舟、憩舉安洲上、相與至寺、携其酌之、詰旦始涉湖而返、距其往七日矣、而竟不及東方雨霧時、端居無雜書所見聞、凡七則、至開元、復續其一、夫一山之景、日有異觀、一日之觀、人有異趣、當獨趣所會、雖所偕遊、不

可告語、況後先於茲者哉、而又何足以宣之、聊志歲月
爾、萬曆丙申孟冬一日託

其一

林屋洞有三門、曰雨洞、丙洞、陽谷洞、丙洞甚庳、其深不
能隱尻、徒名耳、陽谷可數十步、輒塞、惟雨洞爲大、當洞
口、有如夏屋者、潦水據焉、刺頭望之、陰晦莫可測、湖中
東西山皆名洞庭、未知更有洞、山庭山也、其名蓋以兩
山宜最尊大、而反若培塿焉、從山腹直過、不逮半矢、入
是洞、淺者猶數里乃出、真行湖底矣、山上怪石錯峙、不
可名狀、大抵類虎林飛來山、夫昔所爲、羅封壺裏、萬斛

屋
林

之艘千牛之挽輿致一二帝都禁苑侈然偉觀者今若
樹林牛羊充斥糴雜略不恤惜遽爲鄙夫一日之有箕
坐而歎遂有傲賜答洞上有李彌大磨崖無礙庵記就
而讀之欲尋易老室遺而不可得彼築室以處者而不
能竟有之復悵然而去

人其

洞庭山之觀春梅花仲春梨花夏櫻桃楊梅秋橘橙其
族之所聚連林廣囿彌望無極而各以地盛游梅於涵
村櫻桃於後堡梨花角菴橘橙東村天王寺天王僧守
菴者善藝植其所種稠直蔚茂踰於東村人東村人師

之予始自後堡登岸步躋包山明日宿天王寺寺如在
橙園中也數百晦間殆無雜樹今歲特穰初熟而未剪
其觀蓋可知君奭曰人之咏是者金子火珠丹房翠苞
若是皆浣之耳宜更求雅稱者而竟亦不能得然世惟
非人不識橙橘苟識者而讀吾記其富麗晃耀之狀寧
湏一語亦誰敢下一語邪寺後卽桃花塢而絕不見桃
僧云舊常有十萬樹守菴爲雛僧時寺賣其實尚七八
千餘觔然桃易蛀不能老壽伐而薪焉今橙所處其地
也守菴年七十餘折一足兩木扶之行貌甚古直談種
樹甚詳爾質遂受其術而書之

其三

山水以相遇而勝相敵而奇。長瀑大溪介於甌閩之山。細若紳帶矣。江湖大壑中。雖有孤嶼絕島。汎焉若漚。此有以相遇而未有以相敵。善乎蔡昇氏之言是山也。以七十二峯之蒼翠。矗立於三萬六千頃之波濤。徧行天下。惟是有之。信哉遇矣。敵矣。雖然猶未也。予兩日行山間。所適各一二十餘里。皆平行空曠。帶以叢薄。林幽果香。石細泉響。徑路縈繞。屐策恣進。倏然放目。乃覺在巨浸中。人境四絕。始爲之心悸。蓋已忘其爲湖也。及至消夏灣。高閣相比。家有程卓之貲。麗市之間。盛若通邑。併

忘其山斯又域內希絕之事矣

其四

不知有山
方得地無
月不知天
更容

自胥門望太湖頗憚其廣揚颿行少頃抵中流而諸山
四環之似入破壘中也目得憑杖意更安穩顧反謂之
曰此襟面耳剗却君山好平鋪湘水流豈欺予哉登縹
緲峰之巔目色甚薄煙靄罩空峰首既高絕諸山伏匿
其下風花雲葉復覆護之於是四望迷謬三州遁藏浩
瀰之勢得所附益渺然彷徨莫知天地之在湖海湖海
之在天地予於是歎曰夫造化者將以是未足以雄予
之觀而爲此耶仰而視白雲如水裂日光從罅處下漏

湖。水。映。之。影。若。數。畝。大。圓。鏡。百。十。棊。置。水。面。僧。澄。源。曰。
登。山。之。徑。不。一。從。西。小。湖。寺。上。者。夷。故。是。日。炊。於。寺。而。
登。罡。風。橫。掣。人。每。置。足。自。固。乃。敢。移。武。攀。石。據。地。僅。而。
得。留。至。頂。蹲。巘。間。引。脰。竊。望。便。縮。避。以。其。遊。之。艱。不。可。
輒。去。也。更。相。勉。少。住。然。以。不。可。竟。相。引。而。下。

其五

瞰。湖。而。山。宜。以。觀。之。親。疎。寬。隘。爲。勝。劣。也。縹。緲。峰。於。諸。
山。最。尊。受。五。湖。三。州。之。全。觀。宜。最。勝。然。其。居。夏。絕。風。氣。
所。旁。礴。遊。者。不。可。久。輒。披。猖。去。其。爲。樂。常。不。償。其。勞。吾。
未。有。樂。焉。瀕。湖。之。山。惟。大。小。龍。山。石。公。最。親。以。其。稜。骨。

遊山尺不
用品題好

剛猛能與衝破波濤終日百戰而不北巖竇嵌空投納
濤瀾又類而柔之幽宮水府百怪潛穴而遊者得娛
狎嬉戲暢適其上故足樂也孟冬之朔自縹緲峰下宿
上真宮辰起行二里爲大小龍山兩龍之石如林屋而
下窮於湖水齧其膝穿石之反在石下石踞之若浮焉
伏而聽之匝匝鏜答如縣作於窟室之底其石圻處或
數丈或漏如鼠穴水流其下皆可俯而闕也而大龍之
石更奇其橫出雄峙桀驁於水涯者予必爲之跨其脊
躡其頂羣而伏者必穴其肩而入焉每有獲輒盛誇譽
題爲第一及至更一處復謂勝之輒更其題所謂如積

新後者在上矣。

其六

吾意洞庭
有山水無
窮室正佳

遊大小龍山。咫尺。波消夏。抵明月灣。烙餅小庵中。食之。
相與言曰。今日之遊樂矣。雖然。茲湖之雄。而未有層閣。
傑觀。如晴川黃鶴者。數成之丘。山石瑣碎。無以稱焉。予
所憾也。蓋庵中所望者。石公之陰。而以爲止是耳。少焉。
循山而東。山石皆屏立。高下絡繹。拔地各數十百丈。偉
特巖麗。瞻視驚聳。長天遠波。浩焉而來。兀焉而應。飛舞
澎湃。有所彈壓。氣沮意帖。不敢前進。於是湖山之偉始
合。如客得主。如百萬甲騎得將帥。予遂再拜斂服。懲前

水咽石公
谷吐萬狀
先生再宜
蕭起

之失詞、壁稍上有厓嶄然、少空其中、嚴舍人徵爲疏土、
而榜之曰歸雲洞、折而北、有如拾級者、曰雲梯、其下石
撻數斗、坐可千人、曰千人磯、巨石立波中、類人者兩、
曰石公石姥、千人磯平亘水渚、半入水、遠望白頭浪如、
連山久之、始拍岸爲石、扼或不得上、一二勑者超而升、
徑而撲人、予輩皆大呌、其舁巨石撞之、與爲敵、蓋湖之
觀於斯極矣、石公大小龍、遇水落時、小舟緣厓行、其山
足空洞處皆可坐、大者可布數席、羣飲其下、今以湖漲、
故不可入、

其七

諸山勢皆涉而登。惟石公梭龍頭三山斗出於水。復似欲涉者。而石公山稍近。梭龍頭從高處望如蝦鬚也。就而視之。又如人歛手將揖。未合處有園州。浮其中曰衆安。有山平若几。障其外者曰蕨。蕨所不逮。有引右股蔽之者曰驛。此消夏灣也。若是灣者。類繚垣設屏而重開之。卽如形家言。世鮮有此。灣南北左右各九里。其後正直縹緲峰前。若白爲小湖。不與大湖相通。關登蔡氏會心樓眺之。水之觀盡矣。渡衆安洲。回鵬居者粉垣髹扉。櫛比於煙翠。而岸之觀備。兩傍山麓。裸樹翳然。霜後鴨脚。楓柏爛焉。作花青松翠橘參差繡縹。小舟寅緣葦間。

再游人便
不粗

不覺書好

左右應之。不知頸之既痛也。始予從龍頭徑渡。望知其美。而亟於歸。故未及遊。然意結如痂。其後三日復飲於蔡忻州氏。登其樓。明中汜舟灣中。而痂遂釋矣。

其八

余曩年讀蔡羽洞庭記。知有是山。又以茲山知羽也。後四年。始至山中。忘費其書以來。然尚能誦之。其朗峻高潔。可與柳宗元永州李孝先鴈宕諸文等伍。意其奇士。亟欲就鄉人問之。天王寺僧澄源者。好事知文墨。爲予言羽卽西山人也。山有東西。蔡村族最盛。而羽怪誕。有三間齋。已處其中。縛藁爲二大儒。令腰膝皆可屈折。繫

兩旁室朝課易夕課四書自爲解而寘傳註凡旁每開
卷便大詬曰某甲謬甚叱童子牽以來蹠而杖之而寘
大鏡南面遇其著書得意輒正衣冠非面向鏡拜譽其
影曰易洞先生爾言何妙吾今拜先生矣羽尤以善易
自負故稱易洞也羽本號林屋年少未知書日與羣兒
走山巔放紙鳶爲戲其母數戒之必泣下遂折節誦讀
以詩名文後貢爲翰林孔目祖昇亦有文名卽撰震澤
編者也

序

徐文長三集

陶望齡

論文長武
不切而論
文則不假
易矣要之
文長縱千
寸長法
附合可

徐渭文長故有三集、行者文長集十六卷、闕篇十卷、藏者櫻桃館集若干卷、行者板既弗善、而渭沒後藏者又寢亡軼、予友商景哲及游渭時、心許為彙刻之、及是歎曰、吾曩雖不言、然不可心負亡者、遂購寫而合之、屬望齡詮次授諸梓、序曰、明興經義盛而藝文之學寢衰、其好古博物之士、出於餘力、習晚醞、薄或不暇究於精微、其視古文辭、如書者於篆籀蟲鳥、然略取形似、傲然謂能而羣目淺短、眩所希見者、高相唱引、遽以為凌鍾跨

王罷斥虞柳而不知草隸之變蓋久矣大物相雜曰文
文也者至變者也古之爲文者各極其才而盡其變故
人有一家之業代有一代之製其窪隆可手摸而青黃
可目辨古不授今今不蹈古要以屢遷而日新常用而
不可弊然微跡其緒系又如草隸變矣而篆籀之法具
存其間非深於書者莫能辨也今文人之論則惡變而
尚同去情而悅貌謂見事裁已乘以苟附古辭夫迫而
吐者不擇言觸而書者不擇事擇言則吐不誠擇事則
書不備不備不誠則詞成而情事已隱黯然若象人之
無情而上鼓之不韵故弘正嘉隆之間作者林立古學

爛焉修明、而所謂一家之言、一代之製、蓋有其人焉、而亦鮮矣。夫文有常新之用、有必弊之術、接而不勝、遷者情也多、而不勝易者事也、虛而不勝出者才也、饒而不勝取者學也、叩虛給饒、以抒至遷、紀至易、故一日之間、而俱吾文者、新新而不可勝用、夫安得而窮之、吾見有文左國而詩有初唐者矣、已則人厭之而思去之、方其自喜爲新奇之時、而識者已笑其陋、此必弊之術也、文長老於庠、阨於獄、一著名於幕府、其爲詩若文、往往深於法而略於貌、文類宋唐、詩雜入於唐中晚、自負甚高、於世所稱主文柄者、不能俯出遊其間、而時方高談秦

漢盛唐其體格弗合也居又僻在越以故知之者少然其文實有矩矱詩尤深奧古之窮士如盧仝孟郊梅堯臣陳師道之徒所爲或未能遠過也其書旣侈刻者文取五詩取八如文長者於當代不知何如而謂之文長一家之文信矣故仍其始名曰文長三集

晉陽辛會稿序

有口位置
近取有式

陶氏自勝國季家會稽鑑湖中其人率柔脆愿朴無工巧伎能之習爲農則寡獲賈輒折貲寄途而干祿者多困踰少就故其人皆生而事鉛槧白首無從業豈古之所謂士鄉士之子常爲士者耶業專習久於技固宜愈

善而課效茲日、乃有孫於前者、農不服先疇、工失高曾、
規矩斯足耻矣、田居多暇、閒與宗人善文者、講業社中、
未久、會予有大故、罷去、故其文鮮少、而一二姻友偶與、
茲會者、輒就所見錄之、然其獲益希矣、得百餘義、付諸
坊賈、序曰、文如畫、然非得其神理、弗善也、然能者猶可、
匠心率意而爲、逮心滿意極而至矣、惟畫而貌人、文而
經義、則心意皆不得、自用而受成於人之面、與書之題、
不滿不極、則弗能善、滿矣極矣、而易濫、易濫也、則可以
得我、不可以得彼、鬚眉誠都、貌誠麗、令所貌者見而譽
曰、是何美丈夫也、則都與麗者、適以成工之拙、而見嗤

耳。今之爲經義者有三病。有善繪眉目口鼻而不知位置者。加目於眉。進口於鼻。故雖善而不似人。有善繪知位置而未肖者。似人矣。而非所貌。又有鬚眉口鼻修短美惡一如所貌。而形合神離。色符意稿者。此三者皆工文者之通患也。求之於今。眉與目爭序。口與鼻競長者多。况其他乎。如茲錄者。非敢謂善也。而所謂紊位置弗肖人者。庶幾免乎。

戴太圓制義序

秋水時至。泊土石。漂槎梗。奔激湏洞。潢潦被野。當斯時。每思得澄潭靜渚。臨汎盥濯。容與於其上。及夫宿潦旣

強文之辭
非好古不

遷。霜清石白。淪漪映空。寒泉似眼。心足其趣。而又且有
消縮。曠涸之憂。予自通籍來。經生制舉之文。略已再變。
壬辰戊戌間。文士務極才力。旁撫廣驚。庶幾乎浩漾無
涯。涖之觀。而侂法毀方。浮濁不泚。往往有之。至辛丑後。
其能者率刊華吐腴。相高以理。相矜以態。其流又纖儉。
寒弱。不復振聳。人第見夫潦收水清。爲可愛觀。不知繼
以消縮。且趣於竭也。今之經義。猶古之詩歌也。其盛衰
皆足以觀世。季札聞歌。鄭曰。其細已甚。民將不堪。聞歌
秦曰。此之謂夏聲。能夏則大。夫聲大兆王。細徵替。由此
言之。纖儉寒弱者。細之類。大之反也。是故言文體。今日

明、文、宗、宣、
宜振其弱態、以強其神幹、有是人焉、世運將賴之比君
獲卒業於邑、父母玄趾戴公之文、而劃然心開、如登朝
堂、聽鍾鼓、入武庫、觀戈鉞矛戟之富、其才靡所不赴、氣
靡所不達、而皆極於理、依於法程、源泉涌發、沛乎東之
而不失其澄渟鑒徹之妙、殆所謂廣不宣、施不費、節有
度、守有序者、吾邑士誦法於斯文、雖瞠若乎後、猶有夏
聲起、頽靡還壯觀、越其有興乎、予樂諸弟子之得師也、
序而傳之、

季生弟制義序

予嘗爲諸弟侄論、行文正如人愬事耳、敏口者能言、其

色才文
多冗句則
無可滲矣

甚敏者能省言而無費文至於無詞費而工巧裁製之
妙靡不備矣孔子稱辭達左氏乃云文以足言足言之
文非至文也意罄辭止而待於足言乎哉百人言一事
而或一人悉之百言悉一事而或數言舉之其工拙豈
繫度而後見耶予族人守是說以爲文皆務晰理簡詞
無當今繁富率縟之態而季生弟尤甚予自宮秩歸見
所構義泊然其旨闇然其不耀予曰子之文信善矣然
世方持鷄鷄絃煩調促節靡靡相悅而子挾有虞氏古
琴欲一倡三歎以勝之乎及試則稍就濃贍竟中蝕矣
然意不以爲善而珍其舊義藏敝篋中甚秘人亦爭傳

之其雅尚篤至確乎堅而不渝吾知季生能以其行文者適於世也爲書數言以券之

壽王翁序

安事其父
老貞長者
言亦仕宦
服涼藥

生而居越長於峭嶠滄淪之間如魚處濕蜂膳其日與狎習而忘其大美及驅馳四方原隰風壤之觀旣備然後知山川都會未有相耦相得夷易幽遠如吾越者蓋非老於游不足與語予三仕三免歸歸而頻仰高深趣新景闢輒改其舊於是歎曰善乎子猷氏之言予非困齠而後返烏能知吾土之洵美與斯人之善狀哉惟予於交道也亦然少年意銳思盡友一世賢者相與劇切

再游京師而鈍昏寡與其淵溪敏捷之上掉臂而不我顧退而睠思鄉國長者寬中理外魚魚雅雅相宥以過相教以言俗之近厚而無巉嶁排擊之態亦未有如越之君子也予旣年長游倦廼始能深樂其山川而安事其父老以爲幸甚而悔其知之晚顧復自惟仲尼大聖也穀靡踵數以求友天下而不可得乃致懷於吾黨其稱宓子賤曰魯無君子斯焉取斯然則魯之多賢聖人亦久而後信也況其汶汶者哉會稽著姓裁六七惟僊江之族方大興歲丁酉鄉進士君舉南畿而其季某復用材雋名於成均二君皆交予因有以知其太公雋都

君之賢、雩都君少孤、奉其母以節孝聞、其仕也有仁政、
居有義稱、鄉人交賢之、以告其郡大夫、大夫賓而禮之、
於僕介、君油然不屑也、其生平自置、與所以教家、大指、
率廩廩退讓、言動淳雅、望之有敦彝之色、予不佞引而、
歸休、幸其族之近古、而思事其長老以趨慕、宜莫先於、
雩都君、雩都君以茲歲冬孟廿五日、爲七袞壽辰、先是、
其二子皆試都下、過予僑舍、以文請、會予得告歸、來徵、
夙諾、予謝曰、有之、且雩都君又予趨慕之尤者也、其曷、
敢辭、夫文士之持論遠取而近遺者多矣、胥庭之世、與、
夫壺嶠之山、求之於數千歲之前、與幾萬里之外、而必、

不可得、予與君偕坐于此、泛清漣而北、巖越、豈復知百
所謂方壺圓嶠者哉、君之父子、斲雕釋械、思敬而離和、
斯亦家之胥庭也、海上多神仙、遠古之人多壽考、君方
日游壺嶠而居胥庭、其爲壽不亦侈哉、予旣閒退、從君
游之日方永、願君無少而舍我、詔以無伐生之道、予將
以敦史請焉、

重刻會稽三賦序

會稽山永清澈、君子之仕于斯、其登高而賦多矣、其傳者江左以來、于唐爲微之、蘭亭絕唱、宋龜齡三賦而已、微之自言、嘗行平水市中、聞村校諸童所習詩、皆樂天

作吏者以
文墨傳也
不如以德
業傳

與已篇什、當時所稱、元和體者也、蓋至於禁省觀寺、郵
候、墻壁無不書、王公妾婦、牛童馬走、無不道、其一時流
傳之廣、自有篇章以來、未有及之者、然至于今而攷問
其遺、昨其能識蘭亭絕唱之名者、有之而亦寡矣、而龜
齡風俗等賦、乃更流傳、髫髻之童、無不上口、其家傳戶
習、殆似元和之誦微之也、夫微之見賞於當代、龜齡不
替於後來、非敢謂文字之優劣、意其大功德於越有醲
薄與、然攷樂天所爲狀、稱微之觀察浙東、下車卽奉罷
淡、蚶之貢、課人築陂塘、貯水以溉苗、爲越永利八年而
後去、其功德在民不少矣、龜齡擢第試民、一陪幕辦、俄

有祕書之召、未嘗五年淹也、卽其以天語名堂、民事作賦、不過曰吾以其餓踣流亾之狀告諸使君焉而已、不然則悲鑑湖之侵削、傷和買之莫償、嘆酤樵之奪于有力焉而已、非有馬侯堰水之功、任延張霸尚賢之化也、奚以使斯民久而思誦其遺文、膾炙而不忍釋也、蓋龜齡履繩踐準、伉直自致、其出處本末、絕無瑕疵、微之峭直致稱、中見廢斥、乃援左貂以升、驟至爰立、故儒衡托諷于揮蠅、裴令激言于平賊、當時人情亦畧可見、況乎百世以後、而責遺民以謳吟思慕、尚可冀乎、宜乎元和才子之名、爲龜齡所聳慕、而竟至于不忍言也、嗚呼孰

謂文章與人不相倚爲重、相乘爲久近邪。然則龜齡三賦、殆將與會稽山水共此天壤。吾又安知其所窮。若夫南公解故于渭南、胡君按讐于茗雪、則又會稽之盛事、龜齡之功臣、亦將與是三賦俱稱不朽于天壤者也。

題跋

題金孟章制義

陶望齡

先生好言
韓子文浮
物氣猶小
水盛則物
之巨細畢
浮韓子之
妙在能辨
也揭字亦
文家一法
阿

孝烏金君孟章、以萬曆辛丑、走會稽、贅文於予、其文洗
澤去華、務出簡淡、意津津自喜、予謂之曰、有情事於此、
一人願若溜、舌若電、縱橫捭闔、吐詞千百、而其事白、其
情殫、一人卷舌樹頰、片言居要、而其事亦白、情亦殫、二
人者孰辨、孟章曰、莫辨於簡言者、予曰、爲文猶是矣、辨
甚則簡、吾子姑患弗辨、勿遽爲簡也、簡而弗辨、去啗幾
何、是時孟章之技骨不腴、神不揚、故予砭之云然、甲辰
復見其文於都下、其骨愈立然腴矣、其神愈閭然揚矣、

予謂曰、是役也、子戰必勝、旣而罷還、來辭予曰、子技自
工、不勝者命也、丁未舉於南宮、以書及所裒義來山中、
若謂予者有步助、予笑曰、子不聞張長史之草聖於爭
擔、劍舞乎、備夫之鬪、伎兒之弄、何與於毫素、然而物有
相觸者、志專而功苦也、昔吾子之問業於予也、心靜一
而無他色、伊鬱而如不能自解、此專苦之至也、予言鬪
夫舞伎而已、何功之有、子以是物爲政、治必辨、以是物
求道、德業必精、神將告子、直舉子業已耶、丁未嘉平月
廿日石簣山樵陶望齡書

文苑傳說
五文苑第
詩子雲不
知子瞻請
要讀之

文有意到有語到。古之人蓋亦有意至而語未至者矣。夫瞭然於心胸之間。而詞不能宣。故繁而不約。偏而不圓。繁似博。偏似奇。凡博與奇者。亦古人之病也。而其善不在焉。今之效爲古詞者。烏能詞哉。詞者意之極。而淡者詞之極也。其入深者。其出必淺。其造端也甚難。其成章也似易。不知者率然而讀之。未能知其工也。蘇子瞻云。楊雄好爲艱深之詞。以文淺易之說。若正言之。則人知之矣。夫文固有似艱深而真淺易者。楊子雲是也。則豈無似淺易而真艱深者乎。蘇子瞻是也。今之爲古詞者。已未能病。而易古人病。病焉轉相易。以爲舉業而

陋益甚累之連贖而已未嘗真一語焉吾何由而窺其
意哉而又以爲奇博爲艱深噫其亦過矣宛陵湯君之
於舉業其致微其入苦洗濯剗磨無粉澤脂膏之態約
而能圓其意與語可謂近之矣觀者將以爲淺易與以
爲艱深與世有蘇子當自能辨

箴

效唐尚寶山房箴

三首有序

陶望齡

以文譽人
其耶莫如
大熱心真
通性語

唐尚寶山房五戒余每揭坐隅以自鍼砭暇輒效作

三章蓋余寡交簡出其二累較少故不復贅云

以人求我拒之心熱以我求人從之而熱維情之熱理
浣斯涼媿發於顏如醒斯狂求我者戚我求實疎戚猶
能宥疎豈諒予大賢所譏比於寒蟬我之不賢姑以自
全

其二

使爾知道可說則非爾不知道說之奚為如貧數金而

無一錢如盲導人不扶而顛盲須自醫貧須自飽欺已
猶可莫謾他好如冬月雷蟄伏無聲既其解矣雨施雲
行。

其三

彼求爾者豈謂爾能紙尾數行以官以名爾之譽之豈
謂彼賢違道之稱違心之言乞墻得飽舐痔得車以文
謾人其耻莫如杜門袖手焚研瘞筆慎爾之思以愈爾
疾。

辨

放生辨惑

陶望齡

芝亭張子、雲來王子、與諸善友、以萬曆辛丑仲夏朔、創放生會於城南、因書

放生惑也、勸放生惑也、言其非是亦惑也、然而仁人之言可思矣、以此例非

雲棲大師放生文、會稽之首、復命鄙言、贅於末簡、予惟慈心功德、昔賢已詳、無俟復論、第取輦俗所排堅難猝破者、畧爲答語數條、以解羣惑、嗟乎、蚊蚋生人虎狼生肉、自古已有斯語矣、而白首之士猶迷而不解、是爲鮑氏弱子笑也、

問仁者當宏濟蒼生、拯扶赤縣、何必留情微物、效彼

小慈終同兒女之嬉、豈有丈夫之槩、

答事有弘微、心無巨細、捉象擒兔、獅子之全力具存、纖
草喬林、一雨之普沾靡異、然則心非大也、豈嫌善小而
不爲、心非小也、安見小事之非大、必如子言、則畜池無
相鄭之功、而祝網豈王殷之畧哉、不知天心等愛、道眼
普觀、舉斯心、旣無廣隘之殊、論物命、亦何貴賤之別、故
寒生頓貴、肖翹等活、萬人世主、圖王敵敵、優於天下、寧
當暴殄、但貴擴充、

問親親仁民、仁民愛物、序分先後、施有重輕、當圖厥
重先、置茲輕後、

答以劫盜而爲奉養、不若止盜以寧親、以屠創而效布
施、不若損施而全命、蓋一忍而生百忍、亦一慈而該百
慈、愛親者、不敢惡於人、則濟衆者、寧當矜乎物、昔有儒
士、曾處圍城、始雖蒙被而猶戰兢、後則登陴而親捍禦、
乃謂人曰、勇可習乎、夫勇由血氣、猶以習增、仁乃性生、
豈難漸學、故當茲吾生意遠、彼殺機生、爲至順、故好生
卽召順之階、殺是極違、故遠殺乃去違之要、若能時時
救物、念念利生、將使戾夫汎愛如轉春色、於寒柯逆子
承歡若濬源泉於勺水矣、

問、物旣旁生、與人非類、若網罟畢弋、不設於先王、則

鳥跡獸蹄必交於中國。雖云愛物。終至妨人。且雞鶩
長生。蛙魚不殺。其類充塞。恐無所容。

答獸有茂草。魚躍淵泉。並育並生。豈妨豈礙。今蜀不食
蟹。楚不捕蛙。未聞楚蜀之鄉。純爲蛙蟹所據。殺之而類
乃滋盛。不殺而生反不蕃。人半之言。其故可痛。

問鱗鬣未舒。網罟隨及。旣難逃死。奚用放生。婦人之
仁。哲士所笑。

答凡有生命。總是無常。人亦同然。非止於物。倘以物命
難延。理當烹煮。亦將謂人生無幾。便可誅夷。然獄中必
殺之囚。牀上臨危之病。療者猶欲留連於朝夕。刑官亦

必轉展於秋冬。此決歿而尚冀其生。彼更生而未必卽歿。况夫放救之舉。本吾慈憫之心。眼見其生。便似永投生路。手援其歿。卽如永脫歿門。則歿何必豫疑。生何須終保乎。

問衆生就歿極多。此會放生極少。救一漏萬。何取普周。

答。愛以心行。慈由術運。昔云仁術。尚不妨殺羊以易牛。今者慈心。亦何害救一而漏萬。惟心惟術。自普自周。故數錢布施。量等大千。况衆命更生。功豈小補。濟旱元非一漑。終愈立稿之他苗。繞塔豈合遊畋。亦喻投湯之勺。

水且愚人適口、智者娛心、但知適口之可耳、不識娛心
之大快、是故涸鱗乍濕、籠羽更騫、方遊釜鬲、而倏返江
湖、將就刀砧、而俄辭絆縶、似赴市曹、而逢赦、如遭寇虜
而獲還、躑躅方甦、悠洋忽逝、於是在濠知樂、對水忘饑、
觀此生全、覺輕安之在我、慶其脫離、如重恙之去身、彼
箸下萬錢、食前方丈、三寸舌外、美惡何知、一嚮飽餘、腥
膾可厭、其爲娛樂、曾有幾何、豈若脫彼命於生死之間、
怡吾心於飛躍之際、浣情滌森、同斯縱壑之歡、送目煙
雲、偕此排空之樂、然則衆所營者口腹、吾所娛者神精、
暇適正同、心口有別耳、

問物元非物、生亦無生、但湏究了一心、卽是曲成萬物、投厓割肉、尚屬有爲、贈蚌放螺、徒滋勞費、

答窵窮至理、雖何歿而何生、曲徇物情、亦欣生而哀歿、蓋以衆有卽真無之域、涉車卽融理之門、若執無爲而病有爲、則無爲之談、適資慳吝、執無生而訾放生、則無生之說、反助貪殘、旣噉肉無礙、真修豈放生反乖妙理、卽如所謂投厓割肉、則身執盡忘、餒虎飼鷹、則悲心彌廣、運悲心而南爲、邀功斯著、祛身執而無生之旨、冥符今則所重者已身、所輕者物命、實已命。旣宛爾貪生、殺他身。乃托無生歿。斯又與於不仁之甚。加諸俗士數等。

國語在國語之類也其類有五曰書曰文曰詩曰樂曰禮

禮以果在明典冊之類也其類有五曰書曰文曰詩曰樂曰禮

詩以果在明典冊之類也其類有五曰書曰文曰詩曰樂曰禮

樂以果在明典冊之類也其類有五曰書曰文曰詩曰樂曰禮

禮以果在明典冊之類也其類有五曰書曰文曰詩曰樂曰禮

序

賀郭青螺平播序

黃輝

播州平天下大喜蜀黔楚之人更相賀焉或問史某氏
三方之伐孰爲多史某氏曰非吾所及也抑亦黔蓋猶
難哉去年征播人謂不必克予謂以天下加播何啻泰
山之于一卵所不知者強鄰或與陰陽而延之喘苟能
使無與爲陰陽而延之喘播可立盡也是用黔者之責
也初綦江敗聞吾甚憂吾蜀已聞其還螫黔也乃笑其
大愚人曰始渝以偏師挑也彼甘心焉已矣黔以全省
挑也不竟兇不止夫酋挑亦逆不挑亦逆耳彼何愛乎

渝州而自還不暇若唯恐人之擬其後然時蓋方陰有
與焉而內已不能無猜故避蜀而利黔之瑕夫黔則誠
瑕矣貴陽一舍外皆爲敵場兵未至餉未集城門晝閉
郵驛幾梗人心兀兀若不保旦夕當是時微郭中丞軟
血而誓水西之師黔未可保也何也酋不善兵而好爲
虛聲如巨蟒畏人之害已則磨牙睨目肆毒于穴旁之
人蓄草木以示武于儕類而恐喝乎遠近謂必無敢嚮
邇者此坐而取熏射之術也然方其未穴也所當亦無
不立死故播酋之貫無慮不滿也而患其以黔滿貫也
鄰酋者見我之故嘗小挫而意酋之未可猝拔擁兵如

曾聞黔中
孝廉言此
三句最切
情事

林莫適可倚能難會者獨水西耳然形迹牽率彼且不
自保無疑而况乎他人不意中丞之遂用之也佐中丞
策者曰今用水西兵非敢必功也且以與我爲黔而徐
使與衆爲播又不意中丞之用之而遂有功也天下之
利害衆人見其形智者見其情情得則機圓機圓則勢
嘗在我今夫水西之役主者一情也從者一情也代而
行之者又一情也如主者從者之情與爲黔而可矣然
主者制而不行從者行而不制惟代者制而行焉吾因
之可以必有功彼其情豈我之情哉而吾因之可以必
有功者何也此雖功成事定尚未易語人而况乎疑慮

紛紜之會耶爲中丞者亦旣苦心甚矣黔中諸君子將
歸慶于中丞而問言于史輝氏史輝氏曰嗟乎古今豪
傑之有功皆出于不得已也得已而功吾悲其爲民不
得已而已吾悲其爲人惟有功而出乎不得已則事定
而百姓安之播事初起數番紙可了耳無奈瘍醫之黨
瘍何也欲深厥毒而後乃自爲功毒深而黨瘍者去矣
有妄庸醫焉不勝欲得于主人而嘗試于鍼艾之一決
勢遂殆于不可爲良醫承二敝之後愕然見其難爲而
正治之必無幸也乃以五毒之石從而攻之僅乃獲痊
得已乎不得已乎扁鵲有言吾非能起死人能令不當

死者不死耳。是郭中丞之所以用黔也。夫毒之爲用，取中病而止。苟病已去而毒之勢尚有留鬱，手經絡倉卒不得盡行者，雖日前未卽爲害，必將俟便而逞泄之，是而不爲之所，又將以藥造病也。中丞之苦心，其殆未已乎哉！凡天下所不得已而爲之者，必曰權宜。旣以不得已始之，亦將以不得已終之。必如是而後可以已也。易之行權，莫如巽。巽，木之乘坎水曰豚魚。吉利涉大川，木游也。水虛也。以虛而游，權之義也。然有險焉，匪信弗利。豚魚之于風也，至信。信及豚魚，何險不夷也。播州之平，中丞善權哉！予以爲不離乎信，故能以蠻夷攻蠻夷，是

豚魚之及也所謂信者豈經經爲哉因其情制其形處
置得宜務服其心而已矣中丞以博雅善天下世但知
其文章政事茲乃一試其武已奇偉卓絕乃爾今天下
多事割鮮方始雖欲不爲功人首惡得而辟諸吾不見
中丞十許年矣其風流德澤被蜀猶新蜀之父老聞郭
使君在黔引領曰黔必捷蜀賴之今果然然善後之難
難于事始使君庶幾強食嗇神爲黔圖百年之安安黔
所以安蜀也輝敢因諸君子而薦之

遼東奏議序

予讀李公撫遼諸疏喟然曰微公且有遼乎然豈唯遼

詳知遼局
又一變

哉遼之隅泣久矣。往聞之邊人曰：遼無塞以堞畫胡耳。沙日荒荒，馬蹄蓬根，羶風噎天，寒燐晝流，犬化爲犴，鼬視路人。是時獨中虜而旣若此矣。又况乎禍絪于倭也。遼亟虜天下，無預以天下救朝鮮。遼焉當十二三，又爲枕席而過天下之師，以氣息才屬之遼，而首有戴肩有任腰有，絀其不僵者一髮耳。所以猶能遼而至今茲者，右屯之守堅之也。虜視右屯不啻口中蟲，然驅數萬騎直走三里城，環攻之八九日而不能甘心焉者，鎮武之捷奪之也。假令鎮武無功，則我益靡虜，益進右屯以往可坐而蠶食矣。我且不能遼，何暇朝鮮。朝鮮盡則倭。

又一虜也更數年無遼矣。然則鎮武之功天下之功也。
初公至遼。遼不能爲人。公爲之請餉。遼用有腹。請馬。遼
用有足。料士訓勇。遼用有手。殊戍于郵。遼用有血脈。明
斥堠嚴偵謀。遼用有耳目。核功罪必賞罰。遼用有氣。而
公噢咻。官屬時則父兄。時則師帥。自爲心膽乎其中。於
是乎遼。爲人而犬羊虜矣。七月視事。十月創虜。一何
神速也。東虜創。西虜走。無復敢深入。小酋俄乞市。往往
徵虜情輸我。我得緩急爲備。自是諸救朝鮮者。道遼如
道內地。竟掃倭東之朝鮮。乃無恙而陪遼矣。吾故曰鎮
武之功。天下之功也。方虜欲入。公募能得氊裘首者立

與五十金特許馳馬絕募府中道出目送之寵甚觀者如堵咸骨騰肉飛相與言公言一戰而存我遼死猶爲之況未必死乎故戰咸自百右屯旣完則引守將上堦慰勞之幾欲下拜父兄師帥不當如是邪此遼人所欲得爲心膽者也公嘗言事務實効耳紛紛飾觀聽何益語有之救火之家何暇白其家大人故公事事三年可無疏不疏疏必直抒橫貫委曲反覆根極情狀而區畫之一一會文助理如指諸掌筆所未蹠意已前暢使人讀之未暇竟而首固已肯矣昔趙充國上金城方略殆無贅語房玄齡陳事千里如對面談之兩人事則其文

明史紀事本末卷之四十一 三十一

左丘明最善言戰政司馬遷次之之兩人文則其事辟
趙房所自言如鏡入影左馬善貌人竝神情得焉予嘗
恨不合數君子爲一人今庶幾乎公見之矣公起家年
少文章政事名稱傾一時試武遼東遽功于天下比復
以賜劍漚播州然固挫虜緒餘耳 上方倚公如長城

伍氏是補

潮今日今

可以之改

孝

繼自今經緯事業顧何當遼播予獨有感于公之言遼
也者曰無歲不災矣虜得我民猶務固之我實有民而
莫之或恤是畱之我而死不若掠之胡而生也斯言也
痛切深至皆他人所不知言不能言又不肯言者卽痛
哭流涕亦不是過嗟乎天下一遼也公豈獨爲遼言哉

詞

大司馬崑田邢公帳詞

黃輝

鍾句真
自歌呼
得意

伏以北門樞府久藉將星南甸畿庭新移卿月帝衡勞
逸賜夏省以息肩天鑑孝忠俾晝行而繞膝鍾山紫氣
公作龍蟠滢水白華母方燕喜神標凝遠思緒汪洋時
備四以希聲月成三而比讓有肩則受于躬若無秋駕
履繩馬能言而相樂朝礪游族鸞應奏以皆虛爰從起
家則善爲宰用斧喬魅是閑毛龍股掌羌戎卵翼鵬狗
腹心將吏爪牙熊羆逮問罪乎夜郎乃修文于白帝念
妬津始禍詎煩小白之旗嗟闔穴終凶安辱大黃之弩

苟、鴉、猶、革、響、卽、鹿、可、擇、音、疇、云、播、境、之、非、人、不、道、蔡、民、
之、卽、我、未、殫、籌、筆、已、迫、簡、書、會、師、宿、于、朝、鮮、復、廷、咨、
乎、都、護、掃、封、爲、戰、僉、曰、公、宜、戡、亂、以、文、是、云、我、武、狐、埋、
狐、搢、往、輒、孔、明、君、始、君、終、今、暮、畫、一、壇、章、甫、發、旗、采、頓、
新、叱、咤、則、海、立、大、郎、指、揮、則、山、搖、對、馬、鯨、騰、徃、檄、地、盡、
天、聲、鼉、疊、進、梁、物、如、人、意、苦、嘒、連、孽、獻、骨、槩、以、導、前、旋、
溜、潛、臣、蓄、鬚、櫓、而、助、順、旅、拒、必、北、鼓、行、而、東、枿、木、濟、兵、
鴻、耳、如、期、而、過、席、王、京、整、衆、鯁、鯁、應、指、以、憺、夷、乃、伐、樹、
以、盟、師、遂、絕、江、而、捲、敵、礮、雷、怒、發、陰、火、電、其、威、光、矢、電、
激、飛、剛、牙、颺、其、銳、氣、蛟、環、浪、束、骨、已、青、丘、鯉、鋸、徒、張、血、

俄丹浦。遂使島奴。魴竄恍鯨。避乎蒲牢。我衆鋪敦。類鳩
求乎龍子。網羅路絕。巢穴情窮。天吳九頭。俄禡其魄。水
鱉八足。空僵厥雄。棄雉翮之城。齋方決麝。望羸靨之嶼。
口故啣犀。窘已極于圍三。倖距微乎借一。神弓飲羽。傾
蜃閣以爲烟。鬼彈收丸。碎魴帆而如雨。狂氛旣盡。善氣
聿臻。禾黍自春。淨遺洲之髮。鰕關門不夜。返故堞之毛。
人遂令異域之君臣。眞作同朝之賓主。乃料萬戶爰申
八條。招龍虎之國。錫靈存賴。尾築鯨鯢之京。觀冤雪碧
蹄。三折肱而起危。徒得君重九。頓首而興滅。無以公歸。
且夫緣馬報蛟。尚播烈夫之英問。因鳩讐鷄。亦流公子。

之慈聲。况復地儉一成勢。筵栖越乃至。成踰七稔功。百

太楊

存。邢昔充國之護。烏孫徒紆往返。逮定方之征。百濟僅
侮亂亡。何如以髮引之。廢邦剪川。增之勝寇。盡驅鱗介。
再復冠裳。與波上下之兀山。倚六鼇而復定。隨波往來。
之義。鬼依三象。以如存。從古未聞于今。獨盛自非名在。
佐歷道通神謀。下取領而受書。機先帷幄。右祛衣而得。
兆威。薄兵車則何以肅將。天威勦弘再舉。丕震聖。
怒。謀出萬全。奪虎口之鮮民。還諸箕子。滅兕皮之奄衆。
兕于周公者哉。策勲飲至。光生盟府之華文。仗鉞秉旌。
氣奪穹廬之葉吹。謗書沸魏。彌深零雨之思。盟壤崇秦。

寧滯景風之賞。昔者受命無以家爲。今茲報成幸而親
健。卑輿迎養。雲常繞乎狄公。婁牘陳情。日用舒于萊子。
上旣難其去。仍體厥私。俾殿陪京。便觴故里。馬曹群佐。
佇分爽于笏端。軍令一家。更流懽于羹外。咸謂斗牛之
躔。往卽看台揆之。召還維艱。難險阻之備。崑勞深薇。
芑致祿位。名壽之必得享。及護雅朝著。殊榮人倫盛事。
屬大夫某等。夙承經緯。得習安攘。白虎旂前。市馬尚騰。
乎苜蓿。黃龍幕底。樹人何啻于芙蓉。憶昔剖符玉律。猶
噓乎黍谷。維茲開府。繡裳仍照乎檀山。感國士之見和。
素絲幾報願。丈人之益壯。朱紱方來。悵祖席之星移。幸

慶樓之月在謂僕不敏辱公末知束草新詞爰歌舊德

云爾

題

題旌義李長者冊

黃輝

以足爲拾
是無窮子

孫

予讀此冊、蓋屢太息焉、嗟乎、捨必報、人皆知之、世之爲

李長者何少也、今夫富而慳者、以一錢爲命、貧而丐者

反未必

亦以一錢爲命、是二人者、命竟何如哉、或夢得百錢、飲

食其半、而留其半曰、以待明日、覺而曰、吾早知其夢也、

悔不遂盡之、則人莫不笑之、夫醒夢之今日昨日、與生

死之今日明日、等無以異也、盡不盡皆夢也、而以爲不

若其盡也、是人之所以爲夢、而夢終無覺時也、富而慳、

貧而丐、其命視一錢同、竟無一錢可爲命同、彼所謂命

者窮矣、破慳爲捨、以捨爲命、而命非所捨、故有慳之夢、
有丐之夢、有捨之夢、則有慳丐與捨之報之夢、而其爲
夢也一也、然則無捨歟、曰何爲無捨邪、以夢捨則窮、以
覺捨則無窮、其捨也覺其報也亦覺、覺則捨無所捨、報
無所報、無捨無報則命、命而無窮矣、至人之通宿命也、
其千百億劫之所捨、固無足言、而其所不捨者、乃至千
慳極而發腫、悲夫、未有捨之不能而能捨捨者也、故以
覺言捨、則一錢以往皆可爲無窮、以夢言捨、則此一錢
者、慳人封之爲泰山、丐人擲之爲鴻毛、是富人之重命、
曾不若貧者之輕命也、因題此冊、而歸諸長者之聞孫

儀部克蒼氏曰、世之君子將由捨而之乎無所捨、以卑
由爲冊、以無窮爲子孫、其必由長者入矣、

平水縣志

卷之四十

平水縣志

卷之四十

平水縣志

平水縣志

平水縣志

平水縣志

銘

阜潤堰銘

並序

黃輝

阜潤堰堰冷水河也所溉田至萬餘畝河出青石關
吞八壩而北水饒可堰堰議蓋與河俱矣或曰河水
急下則渙散無所用卽強之傳崑崙石又剛頑不受
工柰何河如能言必曰沃漢工者盡吾族也遠則若
漾水若黑龍江近則若紅花河吾卽不漾不黑龍江
乎哉于紅花河負而獨不吾以也吾慙之夫數族之
爲沃也豈其固然而無所須人散則聚之峻則夷之
迅則折之卑則舉之智創愚因慮無不委蛇以從者

黃說闕
表而多
前節

故石頑水智。維智化頑雖有至剛不礙柔行而吾獨
不得預是且夫猶之水也而擅吾冷稱以濟夏畦水
火相得壤力自倍世孰有知予而用之也者惜石如
能言必曰世所利于吾而取之者雖細不愛而曰獨
梗于河渠也蓋雪吾于水火乎大火吾不厭如金受
煉水吾不拒如木受鋸其奚剛與頑之有若是者民
能爲河與石言之而無能使吏之不詞于斯也以止
蓋至登州李公來守漢中而後民之言若河與石之
所自爲言也試諸大石黑石兩堅崑崙咸受命遂事
于民所欲堰已而曰恨卑所灌少再升之水益尊田

益高閘于甕灘以分河河行于鑿沿崖引之穿谷入
渠五里下于田田以次受灌筑建于貫溝輟縮于三
溪尾閘于賴家口入于河濬水者里二十堤之者里
十有五閘若堤皆植以椿甃以石夫以卹料凡千八
百指穀食于廩七百石而縮若木若鐵若匠直若委
官餼皆給于公民自効者木千株始于萬曆廿五年
秋九月至廿八年潤四月二十五日堰成字之曰阜
潤工凡二萬八千有奇力取諸隙功取諸漸皆率僚
屬行水勞以酒食錢幣公私爲一故紆而不勞終始
不鞭一人是歲大熟登拜將臺而望之並河颺颺與

漾黑龍紅花所灌等父老抃舞前爲壽曰幸甚乎公
之以天利利我也之河也蕭曹倉卒漏于營度忽乎
千八百年以至今日所閱賢智循良若而人曷其
無一人暇而不少顧也天其以開我公哉我細人則
何以報公異日者公其鄧侯平陽侯乎以天利利四
海必自斯渠始公笑謝曰史起偶然得漳河耳何必
賢于西門豹哉且斯役也民之欲也上下之力也於
吾何有于是撫臣按臣以堰績聞事下大司空紀
錄于司功氏其冬公再入計考在異等吏輝氏曰吾
于李公同年兄弟也丁酉遇于棧語及堰故子舉爵

祝曰勉之哉其利萬世吾能爲兄書今果然乃以漢
父老意爲之銘公名有實字涵虛登州黃縣人以地
官郎中守漢中銘曰

漫漫冷河疇束于山如土水雪以雨郊暝其雨維何靡
霽靡愆如龍驤首所類盡捫爪攫鱗張萬頃蜿蜒塢隙
堦畬受潤獨先如燕用毛耆舊首霜勢轉科盈忽注于
平如驥御良惟人折旋上膏熈如滲以清寒如暘得飲
不露而甘烏鹵榛蕪此爲沃原如得禁方晨疴夕痊孰
實爲之李父在焉當其慮初或謂大難公曰試哉于彼
危礧石聳而立首受鑠鑢如烈丈夫軀以功捐河躍而

分自爲別源如大智人更姓就便僉曰可渠公曰徐旃
毋害而農農餘乃前畚授于埜穀食于官時適儉飢民
賴以饘壺漿邪許手口並驢三秋一春累功斯全爰洗
新渠以受決州如聘姝子清道而延旣燿旣被彌潔以
始吐氣爲膏出言爲泉凡所經緯滲漉醲鮮粒我秔秣
三倍粟稍我箱我釜油油田田誰謂河冷風薰日暄昔
蓄不施豈河之慳有而不庸古何闕然昔賢有知必喜
以慚慚于我公喜濟民艱翼翼李父身爲豐年如太和
氣東西南北其被漢者如海之涓公陟有時冷河無遷
我祀李父莫如堰專勒銘于期萬禩無諼

序

曾太史集序

袁宏道

嘗怪退之論文其觀于人也笑之則以爲喜譽之則以爲病夫文道之貌也唯恐不式奚取入之嬉笑呵怒以爲快及讀公所著毛穎傳無甚僻者當時以爲譏戲不近人情雖至相習如張文昌輩猶有遺訾其歎服以爲絕奇不可及者獨柳柳州及李肇耳夫人情譽因而惡創其所習觀曹然好之耳目稍易驚詫頓作安在譽之不爲病也余才力不逮古人而妄意述作一時諸君子所贈炙者謬以爲非遂欲去同取獨世爭笑之而退如

曾太史獨以爲近古、過相印許、余與退如非素暱也、豈別有氣味耶、余之稱與毀不足道、而使退如有譽無鹽之癖、世之笑之、當有甚于余者也、退如詩清新微婉、不以儻傷其氣、不以法撓其才、而余詩多刻露之病、其爲文高古秀逸、力追作者、館閣之體主嚴、退如則爲刁斗爲樓閣、叙記之作主放、退如則爲江海爲雲煙、余文信腕直寄而已、以余詩文視退如、百未當一、而退如過引若以爲同調者、此其氣味必有合也、昔人謂茶與墨有三反而德寔同、余與退如所同者真而已、其爲詩異甘苦、其直寫性情則一、其爲文異雅朴、其不爲浮詞濫語

愛人笑惡
入于俳

文特莊雅
不似他戲

則一此余與退如之氣類也退如善名理一時同志如
雷何思蘇潛夫函蓋合而水乳契是其中有真臭味非
文字相也雖然此猶龍氏所稱下士聞而笑者其于文
一機軸也昔有禪人爲老衲所姍笑窘澁不能出一語
次日請益老衲曰汝見登場傀儡乎曰見曰汝不及也
禪者悚然問故曰渠愛人笑汝畏人笑耳此語與退之
互相發退如欲見性命於文章乎抑卽文章見性命也
俱當於笑中求之

監司周公實政錄序

代

天下之理亂視吏治浮實而已世之敝也爲政者獵華

譽而以城池錢穀爲俗吏事嗟夫事誠俗也盡天下之
吏而皆以爲俗誰爲任事者此游談也古稱繪事家貌
鬼神多工而人物乃拙何也冥漠者易詭近取者難似
也夫高談浮舉鬼神也無尤者之所跳匿也繕修錢穀
之事人物也經世之碩畫也晉之君子喜爲清談而陶
士行爲荊州刺史獨曰老莊浮華不刊行至於私稻官
柳木屑竹頭皆親自綜理晉賴以安晉之南渡不卽胡
羯者俗吏陶侃力也宋之君子高談理學而孟璞王少
隨軍伍至其帥荊湖首通二海修上監作公安南陽兩
書院以待襄蜀士之歸者史稱土木之工百七十萬而

民不知役宋之恥所以雪而夷虜不卽鳴鞭者俗吏孟
珙力也使一世之吏而皆俗若此俗亦何惡噫此荆楚
故事也。今天下承平政修職舉縉紳先生裋衣博帶足
以坐鎮而浮譽漸張綜覈少衰筦庫糠粃之說亦時有
之監司周公來蒞荆土獨去一切華飾修行實政其大
者如繕城浚隍興學積貯清屯恤郵量淤湖去浮糧等
類皆王政首事興除具備公通籍三十五年一操不易
大都惻惻無華不求人知故公以是見挫然亦以是見
伸公之學如良金在冶久而彌精又如深山松栢飽歷
風霜愈見遒古蓋公之才識卓而又閱歷世態久甘苦

辛酸備嘗之矣此自古國家大事常倚辦老成人也今
公以外臺僉晉卿秩此實異典昔丙吉謂魏相曰朝廷
已知弱翁治行方且大用今公知矣措此實政于天下
猶反掌也某等下吏日奉公教條從事淑公最親而不
能挽公之去遂以公所行實政一一編次付之剞劂冀
以自程復用垂示將來公行矣異日荆人將尹公與陶
孟而三之

論

羽翼已成

許 獬

子房亦不
知帝心特
高一見

昔者留侯招四皓定漢太子盈人皆以爲脅余曰非脅也良蓋窺帝之欲而順以導之者也何以知之曰以帝之言知之羽翼已成之言此帝之愚戚氏也然而帝之肺腑見矣何也人臣之悟主固非一竇大都不中其所病不可以得志叔孫腐儒也不通時變而漫以尋常書生之談爲帝道說此何足以回帝意者帝之欲易太子非爲戚氏也爲呂氏也非爲如意也爲太子盈也呂氏以鳴晨之資險巇之謀剝信刺越令功臣人人解體是

撤太子之羽翼也。太子柔脆，中外稔聞其所爲，用不測之恩，施不測之辱，以鼓舞天下士者，恐未能如乃公是太子亦未能育生一羽翼也。夫以母悍而子弱，怨且忌之者多，而羽翼之者少，則中原之鹿幾何不爲他人羹。此帝之所慮也。淮南之變，帝不自將而欲將太子，豈帝平生之英風猛氣至此而薈哉？亦欲其破賊立威名而遺之羽翼以成之也。蓋至於太子不將，帝卒往而帝之欲易太子之心始決。然帝沉幾者也，樹子未易而輕播青衣逆鱗之規，數陳而金珎之意益章。蓋亦故爲此意以觀中外將相士大夫屬係太子之心，謂何耳。周

昌諫帝心喜矣。叔孫諫帝心又喜矣。迨至四老人者，松
顏鶴髮，翩翩左右，追隨大爲太子張羽翼。帝之心益喜。
太子之能得士，益喜。吾之有子，爲可付天下事，無憂矣。
故雖逃其父而翼其子，帝不憾也。雖輕士善罵之言，近
於慙，願死太子之言，近於劫，帝不憾也。帝之所憂者，憂
太子之聲控豪傑，顛倒賢俊，不能及乃公，非憂其勝乃
公也。憂天下以呂氏之故，携心於太子，非憂其死太子
也。故曰：煩公幸卒調護此帝之肺腑也。語戚氏曰：彼羽
翼已成，不可動，亦帝之肺腑也。然帝之示四皓也，以真
示戚氏也，以假而露其真。此則帝之權數神機，所以爲

不可及而良之所謂難以口舌諍者也或者謂帝晚年
心蕩溺愛尤物大本旣搖佗條不堪似爲迫於羽翼之
難動而萬不得已然者噫嘻此豈足以知帝哉帝之意
豈故令天下知哉信之王也噍可作喜太公之在鼎上
也噍可作笑伏弩之中也傷胸可作捫足孰謂神機權
數如帝而不能以幻言愚一戚姬哉不然四皓老禿翁
也帝果惡其羽翼除之易耳卽令不除而彼以八十瀕
死之人欲爲太子張羽翼於高皇百歲後吾知其骨已
朽矣吾豈真畏之哉故夫帝之心良知之良之所以中
帝心者帝不知也帝之自言曰吾不如子房而後之論

者亦曰留侯善藏其用嗚呼惟善藏其用此其所以爲
子房也

萬石山記

出

文

十

自

文

青在日湖外靜雅其思高判於清類其風動於雲

書

上龍江沈相公書

許 解

公無言又
名然其靈
氣撲人不
死必以文
自表著

某自少時伏讀公爲宗伯時所爲舉業式頒行天下者、
則已知當朝有沈龍江先生銳意斯文、以世教爲已、
旣壯、守其轍不敢變、遂叨一售官中秘、未數月而公膺
天子之新命、入贊大政、爲天下宰、某私喜自語、賢者固
不負其位、位宗伯也、宗伯主文章風教、卽以文章風教
爲已責、宰臣知天下政、獨不以天下政爲已責乎、而釋
之乎、文章雖係世道、汗隆於天下之利病安危、要不甚
急、若大政一失、則所關於天下甚大、所關於公之出處

亦甚大自古大臣以禮進退始終其節不汙者世多有之其去而復起而能厭人望者鮮矣其復起爲天子之宰而能厭人望使無憾者則又鮮蓋非獨任大責重者之未易爲力也亦以望方新則難塞一不如意而苛論我者倍常時始爰立之命下人口上以人望用公有曰非也利其衰且弱不爭事可以惟吾所欲爲又有非之曰否果若此曷若無之之爲愈也閣位闕不備者久矣果若此曷爲獨畀公蓋以公忠勤可屬又久居田間習知天下人情所苦樂行且視公所引當否爲舉罷及公之辭也人謂公必不來夫公嘗謂上卿致政功立名成

年七十餘老矣、復何求而來、有應之曰、然、公功立名成、
又老矣、復何求而來、倘其來必不苟、又有曰、然來而苟、
不如不來、有謂今天下有一事、乃舉世所共毒、而上心
所甚甘、曩欲罷而不忍罷也、公雖爭必不聽、來何益、有
謂坐久虛大位待公、必有以異公、且旣嘗欲罷之矣、公
爭之、或聽其可以來、嗟乎、聽與不聽、於公何所重輕、獨
所謂爭不爭、與爭之力不力、則天下之所爲覘公而高
下其議者、盡在於是、昔里革罟正也、而斷魯公之罟、屠
蒯臈夫也、而徹晉侯之膳、張釋之公車令也、追止太子
梁王之車、且劾治其大不敬狀、至使人主爲屈已謝過、

而後得釋、郅鄆門尉也、死拒車駕、毋得夜入所轄門、至
移從他門乃得入、此皆卑官小吏能舉其職、卒光史籍、
令名無窮、矧上此忤伯者乎、故職苟舉矣、雖以罍正膳
夫公車令門尉之官卑寵薄、而猶爲道行職、苟不舉、雖
貴爲公相、而猶爲道不行也、苟足以行其道、雖以罍正
膳夫公車令門尉之官卑寵薄、而人猶願爲之、苟不足
以行其道、雖貴爲公相、而人猶恥之、而不爲、若曰吾自
有潛移默奪之術、無事乎悻悻夾去就、若小丈夫者之
見、則非庸愚所能知也、某淺陋無知識、惟習聞孔子所
謂大臣以道事君之義、謹拭目觀公之所爲、惟

公審所
處幸甚

論

周亞夫真可任將兵論

陳 勳

人主必知兵之道而後能重將臣必豫審天下之勢而後能用持重之臣夫兵之道呼吸百變迅疾若風雨變化若神鬼然動之爲用而靜之爲樞輕之爲變而重之爲主也藏于九地非重不深守如處女非重不固君命有所不受非重不威故得百戰將不如得一謀將持重以濟其謀則大將之畧也畧城邑捕虜上首功戰將能之據天下之勢觀釁承敝爲不可勝以待人之可勝非大將不可予觀漢文帝之重周亞夫而知帝之深于兵

大都文帝
作用大於
武帝

也。且非獨曉兵亦善審勢。何以知之。曰。于其勞軍細柳。知之。夫詔以天子之詔而不聞。天子入軍而不得馳見。以軍禮而不拜。此亞夫之自爲重也。徐行按轡。改容式車。稱善不已。此帝所以成亞夫之重也。若以棘門霸上之禮繩焉。臯且坐不敬矣。知軍事由將出而以重委之。合手跪而推轂不從中制之義。故曰深于兵。然則何以言其善審勢也。蓋是皆漢無事久矣。然帝且誠太子曰。即有緩急。亞夫真可任將兵。是明以吳楚之事屬亞夫也。諸侯王封國過大。而皆有慮削之心。賈生體驛斤斧之策。適未及用。帝亦知夫易世之後。天下之亂必發于

吳楚而吳楚者剽輕之國也。此可與持久而不可與爭鋒。吾以天下之全力付之持重之臣。按兵觀變。彼之輕銳慄悍。盡于堅城之下。而無所用之。將摧衄奔潰之。不暇。帝蓋籌之審矣。且是時高帝之謀臣猛士。旣已略盡矣。袁盎鼂錯之屬。反覆不足倚。灌嬰弓高侯等。僅僅偏裨之任。深中沉毅。獨有一亞夫耳。彼其臨以天子之尊。而不改其度。此固七國之所不能驚。帳下擾亂。攻殺之所不能動者也。予觀亞夫之成功。要在以梁委楚。堅壁昌邑。絕其餉道。待其飢。而引去。而後追擊之。雍容整暇。不震不竦。而敵卒不出其彀中。真大將才也。彼方奮其

武怒連衡而起使驟而與之戰勢必不格漢之爲漢其
未可知帝蓋度夫七國之事惟亞夫能收之彼知之于
細柳也故曰善審勢蓋帝知晁頗類高帝高帝知呂氏
之必爲漢患也乃曰安劉氏者必勃也然絳侯賴曲逆
而後成功至左袒之令幾乏成筭亞夫之持重善謀殆
過其父哉李廣亦漢代名將然不用古兵法恃其趨捷
耳晚乃辱于衛青此輕動之過也武帝名善用人然至
于李陵之事而失之也夫欽飛輕佻之士無深謀遠筭
而令其五千人橫行匈奴哉故文帝亞夫可爲萬世將
兵將將之法

雜著

讀徐渭集

陳 勳

胡少保雄桀人有踞洗慢罵之風顧獨知徐渭渭直以
意氣文章高視出其上李白蘇軾之流也張太史出渭
于厄與陸與繩盧柟事何異韓文置破麓中數百年歐
陽子發之一日復重天下袁中郎得渭文于殘燈敗楮
尚不及百年此三者皆快事也渭之狷褻睚眦至殺數
卒數僧似忠乎胡公然非山人事胡公敗而渭佯狂數
自戕豈其中亦有所不安與晚益猜忌至殺妻幾不免
文士披猖至此中郎傳渭獨盛稱其詩渭詩得之中晚

果才高何
必托諸公
以見

間沿長吉子瞻以工與趣勝耳至其文章構意造語真
得太史昌黎之法自歐蘇外鮮有窺其際者謂明一人
可也渭生與毛子毘陵晉江相值都無交往詩牘見集
中者獨罵于鱗一詩爲謝榛出氣耳豈渭視一世空無
人意不屑屑抑東海僻遠又諸生賤與或其人固難近
也信陵君謂趙公子好客徒豪舉耳不求士也當諸公
時失一徐渭殊可恨讀渭文惟恐其盡惟恐其不多詩
似不爾

驅瘧鬼文

谷爾瘧鬼爾來前爾固軒后之裔孫而顓頊氏之孽子

也。豈不亦神明之胄。墮隊厥惠。以遯于江水之濱。爾不
惟爾祖是念。淫于非類。而甘自沒焉。惟厲及罔爾之屬。
歸昏肆毒。是以有至醜之謚。百世不收。爾乃與爲耦而
更稱虐。何汚而不慙也。晉夏后氏光明其惠。鑄九牧之
貢金。以爲寶鼎。者九。用寫山川林澤奇邪怪妖之形。莫
不畢具。使民無逢其災。爾于其時。滅跡潛景。靡所容處。
民用以康。王惠代衰。九鼎淪化。人神糅雜。載歷辟王。日
不遑給。靡復有克。提挈至寶。照于神奸。爾丁其會。跳躑
咿嚶。復用潛出。乘民之不若。而播之災害。實籛有徒。終
不剗滅。以迄于今日。以彌甚爾之必至。類信罔避。類勇

倏變類智忽去類果假是四類以濟其凶惠是生三皐
四民或處燕閒或列肆居或襁襝塗足或貿易遠涉各
致其能以相資焉先王之訓也惟爾之來莫不釋所執
業抱衿與禍以與爾處廢民之養闕國之經爾之皐一
矣貧者藜藿不厭而爲爾召巫與祝陳席鳴鼓具醪及
糲爾醉爾飽又爲之針灼湯燂攻其體膚爰耗竭其生
資及歲之不時于是有跽而殍者則職爾之由爾之皐
二矣凡疴中人于其身耳惟爾善變善染家傳戶入此
呻彼吟跨邑越國傳不云乎無使滋蔓蔓難圖也爾惡
實蔓以滋圖爾者不亦難乎爾之皐三矣爾惟小醜居

其。一。足。以。爲。勑。矧。繫。三。歟。抑。其。有。甚。夫。陰。陽。變。化。天。地。
之。摻。權。鉅。矣。爾。竊。焉。如。凝。如。沍。如。燥。如。焚。凝。沍。如。久。燥。
焚。如。夏。是。大。鈞。有。職。而。爾。敢。私。奸。之。也。抑。天。之。序。猶。僭。
移。也。爾。閃。倏。馳。驟。忽。爾。堅。冰。忽。爾。赤。日。挾。纁。揮。汗。遑。遽。
靡。息。爾。之。虐。將。無。酷。于。陰。陽。之。烈。與。帝。稔。爾。積。累。且。不。
忍。其。柄。或。盜。以。使。將。下。六。丁。震。霆。以。搜。爾。之。類。俾。無。遺。
育。爾。祖。其。不。克。爾。庇。爾。尚。悔。禍。自。新。乎。其。屏。跡。以。返。爾。
水。濱。之。居。飲。清。嬉。漣。容。與。遊。遨。無。干。人。間。臯。其。尚。可。以。
追。予。室。湫。隘。不。足。以。游。爾。予。軀。孱。羸。不。足。以。習。爾。爾。之。
不。徙。予。亦。將。召。祝。者。具。桃。茱。其。有。明。神。將。帝。之。威。載。旌。

卷之八

卷之八

三

記

東門觀桃花記

王衡

蓋今人多僞爲雅而吾吳尤甚蘭菊幾家置一譜焉則君竹而友松第而至桃花極矣乃予性獨深愛桃花每春未嘗不游游必徧今年二月之十七日予與汝增約使人往探城四隅問花之所止而之焉具報東門好則步出東門踏菜花行望見一村居小有柳桃可觀則酒醕與蒲席已次第設矣其居在小溪中桃花左右溪約有三四十株其嫩美旣又移至吳氏店庄宅與池相遠畧同前而廣五倍之花碩大且繁中一緋色據水上

者特異、長楊數章列池外、如偉丈夫、衣冠拱手而護少
女子于內、桃花亦醉面垂垂、傍水洗粧、不輕見頭額也。
飲樹下、留連久之、顧日尚未晡、乃復信步尋花、其在水
濱者、牆角橋畔者、菜花柳樹叢中者、輒灑水施茵曰、與
而延客、或遇之矮簷下、及坑塹竈突之間、則含酒滿舌
嚙之曰、爲汝浣衣、席煖更移、酒盡復買、忘其去城之遂
遠也。汝增曰、夫桃價不堪與牡丹作奴、人且以市娼辱
之、子何好之甚、予笑曰、子品花乎、品價乎、夫價則百十
桃者有之、然皆如口脂面粉、不粘人意、刻畫綵繡、人能
盜天、夫桃也、遠而睇之、光浮浮然、近而即之、若有煖暈。

焉蓋頌桃惠者天夫近之灼灼則已下矣擬之于春殆
異女乎陽出震而得梅桃與梅其得氣獨完故于香味
色中具有別韻即刻畫綵績者巧愈不似似愈不真子
舍是而貴夫盆盎拳握之觀何歟且夫天下之貴賤失
所久矣。鉅釘貴而梁肉賤。土偶貴而人物賤。品題貴而
考課賤。桃之賤于子無惑也。汝增無以對。遂泚筆志其
語。

吳孝子祠堂記

吳孝子者諱璋宮保公父也。孝子母陸幼孀而貧。選入
給事諸王府。已隨王之饒。孝子弃家求母者二十年。暨

得見則母疾已革矣孝子爲刲股活之將至邸三日而卒孝子負骨歸葬是生宮保公吳氏以貴顯富厚者累世世至今歲丙申吳之子孫始謀特爲祠祀孝子屬予爲記予詳次其事而知孝之惠果通于天也今夫人介然情欲之感其甚至于齊夢覺一死生然不得其願而死者何限而以史所載孝子之至嚙指而動剖肝而活覓鯉鯉至祝董董生則何以若是捷哉天道也有天之天離合應違猶水中之日荏葦障之或驗或不驗而人之天以毛髮肉骨相屬離以精神呼吸相召取若燧之十日也豈有感而不應者哉吳孝子事類朱壽昌壽昌

嘉以誠則
天子亦有
不得母者

生不識母日昧昧焉望途而索其所不可知其為力難
而孝子辛苦丐乞仰鼻息于尊主貴璫之手似易而猶
難而其卒皆至于得母顧壽昌之母優游祿養者又數
年理不宜以溝壑歿而陸母之得出也距其死三日耳
片息之視若有所待而留者使孝子猶得以肉代糜以
申其一日之養天之祚孝子甚怪而巧不可謂之不幸
也蓋昔者唐德宗以天子之尊物色其母四十餘年竟
不得徒望祭追號以紓其慕思此豈其力有不足哉天
子之意侈而匹夫之誠專天固有至有不至也彼其飢
寒暴露足齟口吃夢呻吟嚔而覺呻呼徙倚側息於宮墻

極可感

咫尺之間此其一日足當四十年其可以得毋無惑矣
今天下太平之日久聖明在宥鰥寡孤獨得所父母子
女無生而離析之憂而世多服牛絡馬射功利四方輕
去其親而不反顧者比比也豈非人心之天見於迫窮
而隱于豐泰歟今吳之子孫方襲榮累富不自詡其門
世閥閥而能追惟原木於艱難困阨之時思深哉豈但
闡揚先惠而已乎吳之不替也於此觀之矣

古吳沈國元飛仲甫校正

